


近代通鑑輯覽

八  
十  
七  
三  
三

八  
十  
七  
三  
三

內閣文庫	
番號	漢 8733
冊數	79 ( 1 )
函號	285 17

285-17



Kodak Gray Scale




© Kodak, 2007 TM: Kodak



嘉慶庚申年重鑄

欽定通鑑輯覽

江寧布政使司衙門藏板



皇祖

通鑑輯覽序  
編年之書莫備於

淺草文庫

御批之資治通鑑綱目  
蓋是書集三編為一部  
自三皇以至元末明初  
振綱挈目謹予嚴窠足

御製序

御製序

御製皇極經世一編  
以昭萬世法戒為人君者不可不日手其帙而心其義也然

皇祖雖嘗挾精澂微辭旨著論百餘首尔惟析疑正陋垂教後世耳於其書

則一仍厥舊無所筆削也故全書篇幅雖多而議論乃什倍於事實即如前編之中總論史論音釋辨疑考證紛不一家正編之中凡例發明

書法考異集覽考證正  
誤質實濫觴益甚至於  
續編之作成於有明諸  
臣其時周禮沿尹起莘  
例作彙明而廣義則出  
於張時泰效劉友益書

法而為之者夫彙明書  
法其於歷朝興革正統  
偏安之際已不能得執  
中之論而况效而為之  
者哉且以本朝之臣而  
紀其開國之事自不能

不右本朝而左滕國此  
亦理之常也况三編中  
嬪代崛起之際稱太祖  
而繫以我者不一而足  
亦非體例也故命儒臣  
纂歷代通鑑輯覽一書

盡去歷朝臣各私其君  
之習而歸之正自隆古  
以至本朝四千五百五  
十九年事實編為一部  
全書於凡正統備安天  
命人心繫屬存亡必公

必平、惟嚴、惟謹、而無所  
容、心曲、徇於其間、觀是  
書者、凜天命之無常、知  
統系之應守、則所以教  
萬世之為君者、即所以  
教萬世之為臣者也、書

中批論一依

皇祖之例、自述所見、據事以  
書者十之三、儒臣擬批  
者十之七、而經筆削塗  
乙者七之五、即用其語  
弗點竄者、亦七之二云

乾隆丁亥秋月御筆

此書之編纂要本明正德間所輯其書倣宋司馬  
光舉要之例上自伏羲下迄元代凡九十有二卷  
我  
皇上幾餘省覽以編內採錄尚未精審  
特勅重加訂正并增入明代事迹釐爲一百十六卷附明  
唐桂二王本末四卷發凡起例皆經  
睿裁鑒定盡善盡美集史學之大成實足表裏六經準式  
萬世  
一朱子綱目及前編續編我  
聖祖仁皇帝御批刊布昭如星日我

凡例

一歷代通鑑纂要本明正德間所輯其書倣宋司馬  
光舉要之例上自伏羲下迄元代凡九十有二卷  
我

皇上幾餘省覽以編內採錄尚未精審

特勅重加訂正并增入明代事迹釐爲一百十六卷附明

唐桂二王本末四卷發凡起例皆經

睿裁鑒定盡善盡美集史學之大成實足表裏六經準式

萬世

一朱子綱目及前編續編我

聖祖仁皇帝御批刊布昭如星日我



皇上聖學高深緝熙繩

武凡數千百年史策得失靡不條貫兼綜折衷美備<sub>臣</sub>等以

次屬稿進

呈仰蒙

親御丹毫詳加

論定其間析疑考異洞悉毫芒而大義所昭

微言特揭謹次第敬錄簡端用垂

至教

一年經事緯提綱分目一依朱子綱目書法

一大書以提要分注以備言此綱目舊例也今提綱

綴目皆酌用大書取便觀覽其有事非一時而牽

連並及或語非至要而採摭堪資者則用小字附

書至注內有更須詮釋者空格以別本文務使眉

目朗然無淆觀記

一表歲首年綱目第一要義高辛以前無甲子可紀

帝堯甲辰以後謹遵

聖祖仁皇帝御批綱目前編用邵子皇極經世書例編次干

支標於每年之上歷代倣此至唐虞稱載夏稱歲

商稱祀周以後稱年皆隨其代而書之

一劉恕陳桎通鑑外紀胡宏皇王大紀皆始於盤古

其說荒遠難稽金履祥通鑑前編始自唐堯於上

古事又多闕畧今以孔子繫易為斷肇始庖羲不

更遠溯邃古

一我

國家誕膺

符命朱果發祥瑞貺屢臻昭燦今古

太祖高皇帝肇興大業

太宗文皇帝嗣炳鴻謨凡偉烈豐功事關明紀者自宜登諸

簡策用昭

興運之隆今並恭依

實錄敬謹纂輯

一尚書備稱祀載春秋首紀春王統事表年實史家  
大法是書於歷代紀年之際大書分注進退攸關

皆仰稟

聖謨權衡允協其有未改歲而事涉兩朝者則並用一年

兩系之例以存其統

一正統偏安之辨其界最嚴前史每以興代而紀載  
前朝因多偏徇若續綱目於宋元明之際更屬不  
公瀛國既執而猶以宋紀年順帝未亡而即標明  
國號任意低昂適足貽譏識者今自景炎而後至  
正以前皆恪奉

宸裁統歸元紀至於明之崇禎十七年明統尚存亦用大  
書紀歲而福王事蹟並遵

旨採輯附書明紀大公至正曠古無倫謹於二百十六卷

內恭錄

御製文冠諸卷首以昭定論

一凡立綱書法褒貶攸關仰蒙

睿鑒精詳折衷至當大義炳然如賈充褚淵等之書死狄

仁傑之書周唐肅宗之書太子徐壽輝之書害並

以變文示義

特筆所垂發千古未發之隱洵足微顯闡幽永彰法戒

一綱目始於周威烈王之二十三年前編亦止於是

年二書起訖之際自當區分明晰今於初命晉太

夫一條另標卷首以還二書之舊

一史法國宜簡要而紀載實貴詳明今自三代以前

皆上本六經旁稽諸子秦漢而後事迹滋繁從本

史以迄外乘稗官無不博採彙叅以衷至是其或

異同互見之處並加案語考定弗蹈兩岐

一綱目凡例凡命官惟宰相皆書餘官非有故不書

今酌用其例凡宰臣之拜免及卒皆書其非有事

跡顯然者則於他條互見若非宰相而用舍有關

國是者則以特書例書之

一前史措詞類多失實而南北區分之會則彼此互

相指斥尤舛至公如五代晉之於遼南宋之於金

於元皆嘗稱臣稱姪而交兵構釁猶以入寇書之

於情義實為未協今並恪遵

指示酌量改定書法悉去偏私以歸至正

一綱目一書乃朱子門人纂集紀年系月舛誤尚多至續綱目所載尤爲疎畧失當如分和勒博蕭幹爲二人之類踏駁叠見考證難資今依据正史博稽羣籍悉正牴牾之舊以臻完善之觀

一凡輿地名目悉按現在郡邑沿革注其大畧其有謬誤相沿之處仍行核正不使異義少滋至於本朝聲教四訖遐方絕域盡入版圖如河有重源足證篤什傳聞之誤實爲得諸目覩一破羣盲今並詳加按語用以垂信方來

一凡卷內所見人名字里並依本傳詳注其有本史未立傳者則爲旁採諸書俾無滲漏至或有一人而異名及數人而同名者亦悉分晰證明以資考核

一金元二史出自後代儒臣之手大抵音譯失宜乖舛滋甚歷蒙

指示以國語及蒙古語證合本音本義無不確合近又命喀爾喀親王成衮札布

進所藏蒙古源流一書堪以互爲考證今並遵旨詳加譯改仍於初見處注明舊作某某字樣俾開卷了然足資考據

一唐宋而後野史漸夥增飾流傳殊難依據若宋太

祖之斧聲燭影明惠宗之遜國出亡等事異說滋多尤當剖晰是非以昭定論今並隨文駁正勿使滋惑傳聞致乖大義

一凡一事而首尾相距頗遠者綱目於前後皆爲立綱雖起訖自明而檢尋未易今皆量其事之本末酌行總敘或於初見一條備言其終或於最後一條追敘其始仍用先是至是及初字尋字等文分別紀錄眉清目朗庶覺貫串非難

一綱目定例書月不書日今仍其舊惟日食則仍系日其或有事迹紛冗必須詳載于支次序方能明了者則亦於目內書日以別之

一先儒論斷其醇正可取者間加甄錄具載姓名其採於本史者則曰史臣或稱某史贊以別之

一史家音注如司馬貞之於史記顏師古之於漢書胡三省之於資治通鑑並稱詳贍今於奧義奇文間採諸家之說爲之箋釋至如賀善之贊尹起莘之發明以及周禮張時泰等所述皆摭拾空談文蕪義淺並加刊削以省繁文

一杜預解左傳及胡三省解通鑑多有注某事始此某人始此等例今於事之有關係者並做其例酌加標注以便檢尋

御批歷代通鑑輯覽總目錄

第一卷

伏羲氏至高辛氏祇載傳世年代

起甲辰陶唐氏帝堯元載始書紀元甲子訖乙亥有虞氏

帝舜五十載 卷凡一百五十二年

第二卷

起丙子夏后禹元歲訖巳卯商王受辛三十三祀

即周武王十三年 卷凡一千八十三年有奇

第三卷

起巳卯周武王十三年訖庚午周幽王十一年

卷凡三百五十二年

第四卷

起辛未周平王元年訖戊寅周襄王九年 卷凡一百二十八年

第五卷

起己卯周襄王十年訖乙亥周定王二十一年 卷凡五十七年

第六卷

起丙子周簡王元年訖丁卯周景王十一年 卷凡五十二年

第七卷

起戊辰周景王十二年訖辛亥周敬王三十年

卷凡四十四年

第八卷

起壬子周敬王三十一年訖丁丑周威烈王二十二年 卷凡八十六年

第九卷

起戊寅周威烈王二十三年訖辛巳周赧王三十五年 卷凡一百二十三年

第十卷

起壬午周赧王三十六年訖己卯秦王政二十五年 卷凡五十九年

第十一卷

起庚辰秦始皇二十六年訖甲午秦二世三年  
卷凡十五年

第十二卷

起乙未楚漢元年訖己亥漢高帝五年 卷凡五  
年

第十三卷

起庚子漢高帝六年訖辛酉漢呂后八年 卷凡  
二十二年

第十四卷

起壬戌漢文帝元年訖庚子漢景帝後三年 卷  
凡三十九年

第十五卷

起辛丑漢武帝建元元年訖甲子漢武帝元狩六  
年 卷凡二十四年

第十六卷

起乙丑漢武帝元鼎元年訖庚子漢昭帝始元六  
年 卷凡三十六年

第十七卷

起辛丑漢昭帝元鳳元年訖壬申漢宣帝黃龍元  
年 卷凡三十二年

第十八卷

起癸酉漢元帝初元元年訖戊申漢成帝永始四



年 卷凡三十六年

第十九卷

起己酉漢成帝元延元年訖乙丑漢平帝元始五年 卷凡十七年

第二十卷

起丙寅漢孺子嬰居攝元年訖乙酉五月漢淮陽王三年 卷凡十九年有奇

第二十一卷

起乙酉六月後漢世祖光武帝建武元年訖壬寅後漢世祖光武帝建武十八年 卷凡十七年有奇

第二十二卷

起癸卯後漢世祖光武帝建武十九年訖癸未後漢章帝建初八年 卷凡四十年

第二十三卷

起甲申後漢章帝元和元年訖辛酉後漢安帝建光元年 卷凡三十八年

第二十四卷

起壬戌後漢安帝延光元年訖己亥後漢桓帝延熹二年 卷凡三十八年

第二十五卷

起庚子後漢桓帝延熹三年訖丁卯後漢靈帝中

平四年 卷凡二十八年

第二十六卷

起戊辰後漢靈帝中平五年訖己卯後漢獻帝建安四年 卷凡十二年

第二十七卷

起庚辰後漢獻帝建安五年訖庚子後漢獻帝建安二十五年 卷凡二十一年

第二十八卷

起辛丑蜀漢昭烈帝章武元年訖戊辰蜀漢帝禪延熙十一年 卷凡二十八年

第二十九卷

起己巳蜀漢帝禪延熙十二年訖己亥晉武帝咸寧五年 卷凡三十一年

第三十卷

起庚子晉武帝太康元年訖甲子晉惠帝永興元年 卷凡二十五年

第三十一卷

起乙丑晉惠帝永興二年訖戊寅晉元帝太興元年 卷凡十四年

第三十二卷

起己卯晉元帝太興二年訖丁未晉穆帝永和三年 卷凡二十九年

第三十三卷

起戊申晉穆帝永和四年訖己卯晉孝武帝太元四年 卷凡三十二年

第三十四卷

起庚辰晉孝武帝太元五年訖戊戌晉安帝隆安二年 卷凡十九年

第三十五卷

起己亥晉安帝隆安三年訖庚戌晉安帝義熙六年 卷凡十二年

第三十六卷

起辛亥晉安帝義熙七年訖丁卯宋文帝元嘉四

年魏太武帝始光四年 卷凡十七年

第三十七卷

起戊辰宋文帝元嘉五年魏太武帝神麿元年訖庚寅宋文帝元嘉二十七年魏太武帝太平真君十一年 卷凡二十三年

第三十八卷

起辛卯宋文帝元嘉二十八年魏太武帝太平真君十二年訖丙午宋明帝泰始二年魏獻文帝天安元年 卷凡十六年

第三十九卷

起丁未宋明帝泰始三年魏獻文帝皇興元年訖

丙寅齊武帝永明四年魏孝文帝太和十年 卷  
凡二十年

第四十卷

起丁卯齊武帝永明五年魏孝文帝太和十一年  
訖庚辰齊主寶卷永元二年魏宣武帝景明元年  
卷凡十四年

第四十一卷

起辛巳齊和帝中興元年魏宣武帝景明二年訖  
已亥梁武帝天監十八年魏孝明帝神龜二年  
卷凡十九年

第四十二卷

起庚子梁武帝普通元年魏孝明帝正光元年訖  
庚戌梁武帝中大通二年魏孝莊帝永安三年  
卷凡十一年

第四十三卷

起辛亥梁武帝中大通三年魏節閔帝普泰元年  
訖丙寅梁武帝中大同元年東魏孝靜帝武定四  
年 卷凡十六年

第四十四卷

起丁卯梁武帝太清元年東魏孝靜帝武定五年  
訖壬申梁元帝承聖元年魏廢帝欽元年齊文宣  
帝天保三年 卷凡六年

御批通鑑輯覽

第四十五卷

起癸酉梁元帝承聖二年魏廢帝欽二年齊文宣帝天保四年訖戊子陳主伯宗光大二年齊天統四年 卷凡十六年

第四十六卷

起己丑陳宣帝太建元年訖戊申隋文帝開皇八年 卷凡二十年

第四十七卷

起己酉隋文帝開皇九年訖丙寅隋煬帝大業二年 卷凡十八年

第四十八卷

起丁卯隋煬帝大業三年訖丁丑隋煬帝大業十三年 卷凡十一年

第四十九卷

起戊寅隋煬帝大業十四年訖癸未唐高祖武德六年 卷凡六年

第五十卷

起甲申唐高祖武德七年訖丙申唐太宗貞觀十年 卷凡十三年

第五十一卷

起丁酉唐太宗貞觀十一年訖乙卯唐高宗永徽六年 卷凡十九年

御批通鑑輯覽 總目錄

第五十二卷

起丙辰唐高宗顯慶元年訖己丑唐中宗嗣聖六年  
年 卷凡三十四年

第五十三卷

起庚寅唐中宗嗣聖七年訖庚戌唐睿宗景雲元  
年 卷凡二十一年

第五十四卷

起辛亥唐睿宗景雲二年訖丁丑唐元宗開元二  
十五年 卷凡二十七年

第五十五卷

起戊寅唐元宗開元二十六年訖丙申唐元宗天

寶十五載是歲卽肅宗至德元載 卷凡十九年

第五十六卷

起丁酉唐肅宗至德二載訖戊申唐代宗大歷三  
年 卷凡十二年

第五十七卷

起己酉唐代宗大歷四年訖癸亥唐德宗建中四  
年 卷凡十五年

第五十八卷

起甲子唐德宗興元元年訖癸酉唐德宗貞元九  
年 卷凡十年

第五十九卷

起甲戌唐德宗貞元十年訖壬辰唐憲宗元和七年 卷凡十九年

第六十卷

起癸巳唐憲宗元和八年訖丙午唐敬宗寶曆二年 卷凡十四年

第六十一卷

起丁未唐文宗太和元年訖丙寅唐武宗會昌六年 卷凡二十年

第六十二卷

起丁卯唐宣宗大中元年訖戊戌唐僖宗乾符五年 卷凡三十二年

第六十三卷

起己亥唐僖宗乾符六年訖己酉唐昭宗龍紀元年 卷凡十一年

第六十四卷

起庚戌唐昭宗大順元年訖辛酉唐昭宗天復元年 卷凡十二年

第六十五卷

起壬戌唐昭宗天復二年訖壬申唐昭宗天祐九年 卷凡十一年

第六十六卷

起癸酉後梁主瑱乾化三年訖癸未後唐莊宗同

光元年 卷凡十一年

第六十七卷

起甲申後唐莊宗同光二年遼太祖天贊四年 訖辛卯後

唐明宗長興二年遼太宗天顯七年 卷凡八年

第六十八卷

起壬辰後唐明宗長興三年遼太宗天顯八年 訖辛丑後

晉高祖天福六年遼太宗會同五年 卷凡十年

第六十九卷

起壬寅後晉高祖天福七年遼太宗會同六年 訖戊申後

漢隱帝乾祐元年遼世宗天祚三年 卷凡七年

第七十卷

起己酉後漢隱帝乾祐二年遼世宗天祚四年 訖戊午後

周世宗顯德五年遼穆宗應歷九年 卷凡十年

第七十一卷

起己未後周世宗顯德六年遼穆宗應歷十年 訖甲戌宋

太祖開寶七年遼景宗保寧七年 卷凡十六年

第七十二卷

起乙亥宋太祖開寶八年遼景宗保寧八年 訖甲午宋太

宗淳化五年遼聖宗統和十四年 卷凡二十年

第七十三卷

起乙未宋太宗至道元年遼聖宗統和十五年 訖己未宋真

宗天禧三年遼聖宗太平元年 卷凡二十五年



第七十四卷

起庚申宋真宗天禧四年遼聖宗太平二年訖辛巳宋仁

宗慶歷元年遼興宗重熙十二年卷凡二十二年

第七十五卷

起壬午宋仁宗慶歷二年遼興宗重熙十三年訖乙未宋仁

宗至和二年遼道宗清寧二年卷凡十四年

第七十六卷

起丙申宋仁宗嘉祐元年遼道宗清寧四年訖己酉宋神

宗熙寧二年遼道宗咸雍七年卷凡十四年

第七十七卷

起庚戌宋神宗熙寧三年遼道宗咸雍八年訖乙卯宋神

宗熙寧八年遼道宗太康三年卷凡六年

第七十八卷

起丙辰宋神宗熙寧九年遼道宗太康四年訖辛未宋哲

宗元祐六年遼道宗太安九年卷凡十六年

第七十九卷

起壬申宋哲宗元祐七年遼道宗太安十年訖癸未宋徽

宗崇寧二年遼天祚帝乾統五年卷凡十二年

第八十卷

起甲申宋徽宗崇寧三年遼天祚帝乾統六年訖戊戌宋徽

宗重和元年遼天祚帝天慶十年卷凡十五年

第八十一卷

起己亥宋徽宗宣和元年遼天祚帝保大元年 訖乙巳宋徽宗宣和七年金太宗天會三年 卷凡七年

第八十二卷

起丙午宋欽宗靖康元年金太宗天會四年 訖丁未五月宋欽宗靖康二年金太宗天會五年 卷凡一年有奇

第八十三卷

起丁未六月宋高宗建炎元年 訖戊申宋高宗建炎二年金太宗天會六年 卷凡一年有奇

第八十四卷

起己酉宋高宗建炎三年金太宗天會七年 訖辛亥宋高宗紹興元年金太宗天會九年 卷凡三年

第八十五卷

起壬子宋高宗紹興三年金太宗天會十年 訖丁巳宋高宗紹興七年金太宗天會十五年 卷凡六年

第八十六卷

起戊午宋高宗紹興八年金熙宗天眷元年 訖乙丑宋高宗紹興十五年金熙宗天統五年 卷凡八年

第八十七卷

起丙寅宋高宗紹興十六年金熙宗天統六年 訖壬午宋高宗紹興三十二年金世宗大定二年 卷凡十七年

第八十八卷

起癸未宋孝宗隆興元年金世宗大定三年 訖己酉宋孝

宗淳熙十六年金世宗大定二十九年 卷凡二十七年

第八十九卷

起庚戌宋光宗紹熙元年金章宗明昌元年 訖乙丑宋寧

宗開禧元年金章宗太和五年 卷凡十六年

第九十卷

起丙寅宋寧宗開禧二年金章宗太和六年 訖庚辰

宋寧宗嘉定十二年金宣宗興定四年 卷凡十

五年

第九十一卷

起辛巳宋寧宗嘉定十四年金宣宗興定五年 訖

壬辰宋理宗紹定五年金哀宗天興元年 卷凡十

二年

第九十二卷

起癸巳宋理宗紹定六年金哀宗天興二年 訖庚戌

宋理宗淳祐十年元定宗五年 卷凡十八年

第九十三卷

起辛亥宋理宗淳祐十一年元憲宗元年 訖戊辰宋度

宗咸淳四年元世祖至元五年 卷凡十八年

第九十四卷

起己巳宋度宗咸淳五年元世祖至元六年 訖丙子三月

宋帝熈德祐二年元世祖至元十三年 卷凡七年有奇

第九十五卷

行抄因不送金車

起丙子元世祖至元十三年 宋益王昀景炎元年 訖丁亥元

世祖至元二十四年 卷凡十二年

第九十六卷

起戊子元世祖至元二十五年 訖丁未元成宗大德十一年 卷凡二十年

第九十七卷

起戊申元武宗至大元年 訖戊辰元泰定帝致和元年 卷凡二十一年

第九十八卷

起己巳元明宗元年 訖壬辰元順帝至正十二年 卷凡二十四年

第九十九卷

起癸巳元順帝至正十三年 訖丁未元順帝至正二十七年 卷凡十五年

第一百卷

起戊申明太祖洪武元年 訖丙寅明太祖洪武十九年 卷凡十九年

第一百一卷

起丁卯明太祖洪武二十年 訖壬午明惠帝建文四年 卷凡十六年

第一百二卷

起癸未明成祖永樂元年 訖乙巳明仁宗洪熙元

印七卷

總目錄

五

年 卷凡二十三年

第一百三卷

起丙午明宣宗宣德元年訖丙寅明英宗正統十一年 卷凡二十一年

第一百四卷

起丁卯明英宗正統十二年訖丙子明景帝景泰七年 卷凡十年

第一百五卷

起丁丑明景帝景泰八年英宗復辟天順元年訖癸巳明憲宗成化九年 卷凡十七年

第一百六卷

起甲午明憲宗成化十年訖丙辰明孝宗弘治九年 卷凡二十三年

第一百七卷

起丁巳明孝宗弘治十年訖戊寅明武宗正德十三年 卷凡二十二年

第一百八卷

起己卯明武宗正德十四年訖甲午明世宗嘉靖十三年 卷凡十六年

第一百九卷

起乙未明世宗嘉靖十四年訖庚申明世宗嘉靖三十九年 卷凡二十六年

第一百十卷

起辛酉明世宗嘉靖四十年訖辛巳明神宗萬歷九年 卷凡二十一年

第一百十一卷

起壬午明神宗萬歷十年訖辛丑明神宗萬歷二十九年 卷凡二十年

第一百十二卷

起壬寅明神宗萬歷三十年訖庚申明光宗泰昌元年 卷凡十九年

第一百十三卷

起辛酉明熹宗天啓元年訖丁卯明熹宗天啓七年

年 卷凡七年

第一百十四卷

起戊辰明莊烈帝崇禎元年訖丙子明莊烈帝崇禎九年 卷凡九年

第一百十五卷

起丁丑明莊烈帝崇禎十年訖癸未明莊烈帝崇禎十六年 卷凡七年

第一百十六卷

起甲申明莊烈帝崇禎十七年是年五月明福王由崧自立訖乙酉明亡 卷凡一年五月

第一百十七卷

附明唐桂二王本末 唐王

第一百十八卷

附明唐桂二王本末 桂王一

第一百十九卷

附明唐桂二王本末 桂王二

第一百二十卷

附明唐桂二王本末 桂王三

臣等謹按通鑑綱目及宋元綱目例於目錄內編次紀年以明時代之起訖其間義例參差多未協臣等編次通鑑輯覽目錄如元之至元十三年及明宗元年之類俱已仰遵

聖訓釐正舊文務衷盡善至於明代事跡臣等於纂輯時

竊擬萬歷以後我

朝龍興東土統馭寰區應冠

列聖年號用昭正朔復蒙

聖訓指示以明代疆土尚存

特命仍紀其年以存統系即福王亦尚可比於宋代建炎之例並令附書紀實大公至正曠古無倫實足為萬世史法之準臣等仰聆

睿旨欽佩靡涯謹於目錄內一遵

欽定書法專就明代紀年編次并附注福王弘光年號以

昭示我

皇上筆削權衡大公至正之意至唐桂二王棲遁閩滇跡  
儕是昂固宜顯黜其僭號然猶隱念其遺臣別考  
事端附綴書後俾不至湮沒無傳真所謂

義絜春秋嚴于予奪量同天地闡及幽微謹於簡末恭識  
大畧以見體例所定悉稟

聖裁初非管窺蠡測之見所能揚推萬一云

御批歷代通鑑輯覽告成進

呈表

大學士公臣傅恒等奉

勅編纂

御批歷代通鑑輯覽告成謹奉

表上

進者臣恒等誠惶誠恐稽首頓首

上言欽惟我

皇上

法古綏猷

右文成化



稽帝堯而稽帝舜考禮樂以等百世之王

監有夏而監有殷秉權衡以定一中之統刊歷代廿二  
家之史文訂差訛紀勝國三百載之書編沿正續廣  
修明於舊典取鑒無遺闡義例於微言折衷有待惟  
作者之謂聖體則史而義則經洵

煥乎其有文指以千而言以萬

編既定

至教斯垂原夫在昔有邦若時稽古因文見義用布訓於  
丹青比事屬辭咸取裁於筆削蓋史使其記必明取  
舍之宜而鑑監於前實具是非之迹至編年以定體  
尤提要而徵文涑水之表歲系時哀輯實原於漢紀  
紫陽之列綱分目指歸悉本於魯書洎遞嬗夫元明

亦間沿爲著述然而年芟益部不同習氏之存劉系  
黜房陵莫問昭公之在晉合書地書人以表例柄鑿  
恒多繫歲陽歲陰以表名盾矛不免雖糾唐有作文  
人之習相沿而譏鄙無庸史法之傳漸失乃在前明  
中葉復有纂要一書畧具規模倍多踏駁魯魚錯見  
沿故牘之乖譌臧否失宜任詹言之蕪漏當發函於  
幾暇欲訂毫釐因付館以編摩載陳圭臬纂排數載會萃  
羣書授青簡而

肇錫嘉名

御丹毫而時抒精義溯自分編以論次逮茲削藁而觀成  
凡條目之攸紛幸

睿裁之悉稟

闡特標之論覺管窺蠡測而無由

垂刪定之文實壤薄流涓之莫助承素王而續彙典說明  
則道自可行仰

聖祖而紹前聞揆一則心無不合昭其經法大旨備而悉奉  
指南示以變通舊例繁而不皆從朔大用策而小用  
贖若網在綱國爲緯而年爲經咸指諸掌審是非而  
繩懸悉準具首尾而囊括無餘紀載之例綦嚴宜事  
增而文省見聞之辭各異故遠畧而近詳或分注以  
備言特書與附書並列或後經以終義事本與事末  
兼該披月竈之輿圖悉河判重源之實考星經之次

舍知躔同五緯之誣國語則遙證金源按出之傳譌  
始剖世牒則遠徵蒙古却特之受姓咸稽以至正字  
審音三蒼並協旁及釋名辨物五雅兼資凡質實而  
辨疑盡部居而州次譬校讐於掃葉作述之義昭如  
擘體要於挈裘興替之端備矣且夫正統偏安之辨  
尤屬人心天命所關卽良史未協於大公欽

宸斷獨衷於至是蓋自緹油失職恒緣諱飾爲文迨至光  
岳分區浸以詆譏成習名互稱夫島索徒相嘲出聘  
之車號已貶於孫臣尙欲侈橫磨之劍總偏私之曲  
徇致名義之都乖况如丙子讖成宋祚隨江湖並歇  
庚申史就元基與塞草同荒乃或續景炎於南渡之

餘更且擯至正於北遷之始皆妄加其子奪遂盡悖  
乎公平惟

至聖之制義因心故定案必循名責實削紀年於閏位凜  
乎大命之難謀改書寇於舊條截然內詞之真假實  
從古未發之義於此心適得所同屬勝朝改玉之時  
當

聖代膺圖之會欣際

六龍乘御大一統已悉受周疆

特念五馬倉皇小朝廷尚僅留夏肆殉黃巾於冀北既大  
書春月之三擅白版於江東遂并紀福王之一運分  
甲乙存殘局而國號斯加事附閩滇溯遺封而藩稱

非偽是皆擴

天地為公之量覆載同符因之冠

星雲有倬之章典謨並燦春秋之旨  
在居正奉正義以無私帝王之事集大成勒成書於有永允矣無偏而無  
黨粲然是訓而是行至

特筆之所垂統全書而成貫劔南之冊未至肅皇不改儲  
稱上都之號猶存懷邸難逃篡字循莽大夫之例望  
石城而冷笑褚公冠周平章之名對高廟而多慚狄  
相莫不約羣紛以炳義本

彙訓以敷言立綱常名教之大防極微顯婉彰而一致信  
讀書之貴得間不啻引錐而畫沙審觀人之必於微

乃如鑄鼎以象物蓋揚王鈇以治萬世非  
天子莫操其權而會民極以執兩端獨

聖人能見其大昔者蘭陵通史繁華徒侈千篇貞觀晉書  
論斷祇存四贊咨忠臣而錄袁粲寧本親裁後盛事  
而補陳橋何關正體從未有定書法則

軒鏡心懸著史評則

堯文手勒善者勸而惡者懼知袞鉞之非空言參於天而  
驗於人在方策以明大道書成一百二十卷盡善盡

美而茂以加事紀四千五百年舉要舉凡而得其當  
臣等學慚閱覽才謝淹通識故籍而有愧五難論先  
民而粗聞十例時政記言起居記事願依左右史之

班伯恭知古君舉知今難參大小賢之列屬操觚於  
虎觀濫廁分排承執簡於麟編幸邀

鑒定惟子夏得其書矣詎能贊夫一詞若臯陶見而知之  
實叨榮於千載從此名山藏副定百家作史之模更

欣

秘殿刊成闡奕禩傳心之要臣等無任瞻

天仰

聖激切屏營之至謹奉

表恭

進以

聞

乾隆三十三年正月初十日大學士公臣傅 恒

大學士臣尹繼善

大學士臣劉統勳

協辦學士尚書臣阿里衮

協辦大學士尚書臣劉 綸

戶部尚書臣于敏中

刑部尚書臣舒赫德等謹

上表

正總裁

原任經筵講官太保保和殿大學士等忠勇公兼管吏部侍郎理藩院事務學士臣傅 恒

原任經筵講官太子太保議政大臣領侍衛內大臣武英殿學士內務府總管兼管禮部事務臣來 保

原任經筵講官太子太保議政大臣文華殿大學士兼管兵部尚書臣尹繼善

經筵講官起居注太子太保閣大學士兼管刑部尚書事務兼管翰林院學士臣劉統勳

副總裁

原任經筵講官議政大臣領侍衛內大臣協辦大學士戶部尚書鑾儀衛都統臣兆 惠

原任經筵講官太子太保議政大臣刑部尚書兼鑾儀衛都統今署伊犁將軍臣舒赫德

原任經筵講官太子太保議政大臣領侍衛內大臣兵部尚書襲騎都尉臣阿 桂

經筵講官太子太保協辦大學士吏部尚書今任文淵閣大學士臣劉 綸

經筵講官太子太保戶部尙書今協辦大學士臣于敏中

經筵講官刑部尙書今任工部尙書臣裘日修

提調官

禮科掌印給事中今任河南布政使臣覺羅延

原任吏部文選司郎中續任刑部侍郎臣額爾景額

原任戶部員外郎續任工部侍郎臣珠魯訥

戶部員外郎今任理藩院侍郎臣慶桂

原任戶部郎中續任漕運總督臣傅顯

戶部員外郎今任內閣學士臣博清額

原任內閣侍讀學士續任戶部侍郎世襲雲騎尉臣伊克坦布

吏部文選司郎中今任吏部侍郎臣袁守侗

陝西道監察御史今任湖南沅州府知府臣哇朝棟

原任江 西 道 監 察 御 史臣毛永燮

原 任 吏 部 員 外 郎臣顧雲

原任戶部郎中續任雲南鹽驛道臣馮光熊

吏科給事中今任戶部倉場侍郎臣劉秉恬

原任刑部郎中今授吏部主事臣王昶

戶部員外郎今任貴州道監察御史臣張霽

收掌官

刑 部 員 外 郎 今 任 郎 中臣保成

中書科筆帖式今任山西歸化城同知臣勒保

原任內閣中書續任湖南辰州府沅陵縣知縣臣毛應藻

宗人府主事今任禮部郎中臣鄭步雲  
內閣中書今任宗人府主事臣馮應榴

纂修官

原任翰林院侍讀四品職銜臣楊述曾

翰林院侍讀學士臣朱筠

翰林院侍讀學士臣韋謙恒

翰林院編修今任詹事府少詹事臣彭元瑞

翰林院編修今任貴州貴西道臣趙翼

翰林院庶吉士今任刑部郎中臣曹錫寶

內閣中書今任刑部員外郎臣陸錫熊

內閣中書今候補主事臣阮葵生

原任內閣中書續任吏部主事臣汪孟錫

內閣中書臣趙文哲

內閣中書臣嚴長明

內閣中書今任吏部主事臣程晉芳

校對官

翰林院庶吉士今任禮部主事臣沈世燁

內閣侍讀今任戶部郎中臣孫士毅

內閣中書今任起居注主事臣王嵩柱

內閣中書臣方燁

內閣中書今任刑部主事臣劉鳳翔

內閣中書今任侍讀臣郭元澂

內閣中書今任刑部員外郎臣褚寅亮

內閣中書今任福建汀州府同知臣吳寬

內閣中書今任山西寧武府同知臣吳煥

原任內閣中書臣周發春

總校官

翰林院侍讀學士今任工部侍郎臣劉星煒

詹事府少詹事今任內閣學士兼禮部侍郎臣汪廷瑛

右春坊右庶子今任陝西布政使臣畢沅

原任翰林院編修續任浙江寧波府知府臣王紹曾

右春坊右中允今任庶子臣曹文植

翰林院侍讀臣吳省錫

翰林院編修今任四川道監察御史臣李孔陽

翰林院編修今任善王燕緒

翰林院編修今任刑部主事臣陳蘭森

原任翰林院侍讀學士今任編修臣紀昀

翰林院編修臣嵇承謙

原任司經局洗馬續任湖南衡州府知府臣宋銑



石井氏直監置

Blank page with faint vertical lines, possibly bleed-through from the reverse side.

監理

武英殿管理事務多羅履郡王 臣 永城

經筵講官武英殿管理事務戶部左侍郎總管內務府大臣 臣 英廉

武英殿管理事務正紅旗漢軍副都統 臣 和爾經額

校刊

經筵講官武英殿總裁禮部尚書 臣 王際華

經筵日講起居注官武英殿總裁兵部右侍郎兼翰林院學士教習庶吉士 臣 覺羅泰寬

監造

內務府管理六庫事務郎中加十級紀錄五次 臣 六十九

內務府營造司郎中加一級紀錄七次 臣 誠意

南苑員外郎兼佐領 臣 劉淳

印比委氏直監置

職名

一

行并月不送金庫

武備院主事加一級紀錄七次臣承善

內管領臣扎欽

副管領臣六格

監造加三級臣吉蘭泰

監造加三級臣文殊保

庫掌臣六達塞

庫掌臣伊靈阿

校對

日講起居注官武英殿提調左春坊左贊善臣彭紹觀

武英殿提調翰林院編修臣陳淦

翰林院編修撰臣張書勳

翰林院編修臣姚順

翰林院編修臣陸費墀

翰林院編修臣陳昌圖

翰林院編修臣陳桂森

翰林院編修臣黃良棟

翰林院編修臣徐天柱

翰林院編修臣秦泉

翰林院編修臣劉錫嘏

翰林院編修臣楊壽楠

翰林院檢討臣張運暹

翰林院檢討臣季學錦

印比丞文直監軍節  
職名

舉

人臣 顧天駿

舉

人臣 袁錫衡

舉

人臣 毛圻

副

榜

貢

生臣 戚健中

副

榜

貢

生臣 楊有源

歲

貢

生臣 王炳文

御批歷代通鑑輯覽卷之一

伏羲氏

在位一百十五年傳十五世

太昊伏羲氏

帝生于成紀

帝母居于華胥之渚履巨人跡意有所動

古國寰宇記藍田縣有華胥氏陵以木德繼天而王故

成紀故城在今甘肅秦州秦安縣

風姓有聖德象日月之明故曰太昊

都陳

左傳陳太昊之墟鄭樵通志伏羲都陳宛邱城是也宛邱今河南陳州府治是

始畫八卦

帝德洽上下有龍馬

說文龍鱗虫之長玉篇馬武獸負也此馬身而龍鱗故曰龍馬

圖出于河

孔安國書傳伏羲氏王天下龍馬出河朱子

七為朋而居乎南三與八同道而居乎東四乃仰觀象

與九為友而居乎西五與十相守而居乎中

三皇五帝之說辯者紛如  
惟孔安國書序以伏羲神  
農黃帝之書為三墳少昊  
顓頊高辛唐虞之書為五  
典不區分皇帝之號其說  
較為簡當

于天俯觀法于地。中觀萬物之宜。始畫八卦。卦有三爻。因而重之。為卦六十有四。以通神明之德。而卜筮自此生焉。劉恕通鑑外紀。伏羲德洽上下。天應以鳥獸文章。地應以河圖洛書。則而象之。乃作易。說本禮緯。舍文嘉。羅泌路史。鄭樵通志。皆因之。考易大傳。河出圖。洛出書。漢孔安國。劉向。父子班固。俱以河圖授羲。洛書錫禹。宋邵子。朱子。並同。今依書傳。朱子為據。餘說皆不取。

教民佃漁畜牧。民處草野。逐捕禽獸。茹毛飲血。帝始結網罟。以教佃漁。故曰伏羲。養犧牲以充庖廚。故又曰庖犧。

以龍紀官。因龍馬之瑞。故以龍名官。號曰龍師。春官為青龍。又曰蒼龍。

氏。夏官為赤龍氏。秋官為白龍氏。冬官為黑龍氏。中官

君民之道莫大乎教養。伏羲氏作佃漁畜牧。皆所以為養也。而教即行其中。後世視教養為二者。去古遠矣。

為黃龍氏。偽三墳。伏羲以其工為上相。柏皇為下相。朱襄為黃龍氏。襄為飛龍氏。昊英為潛龍氏。大庭為居龍氏。渾沌為降龍氏。陰康為土龍氏。栗陸為水龍氏。命官之名。與後十五世帝號多同。今不取。

作書契。

上古結繩以紀事。帝易之以書契。百官以治。萬民以察。

作甲歷。

帝始立周天歷度。以定日月列星分度。見晉書天文志。乃作甲歷。日月歲時。日主晝。月主夜。日月相逐。積三百六十晝夜而為歲。說見周髀算經。自此而生焉。外紀有甲歷五運通志。甲歷起于甲寅。王應麟曰。甲寅之說。蓋本通歷考。大撓始作甲子。若伏羲時已于支相配。黃帝又何必命官重作乎。今不取。

制嫁娶。

民男女無別。帝制嫁娶。以儷音麗。偶數。皮為禮。正姓氏。通媒

外紀載伏羲之後傳十五帝而神農氏作或疑十五氏多與太昊命官同且所載語或不經遂削而不錄夫邃古初分厥詳曷聞然女媧氏之笙大庭氏之庫葛天氏之歌無懷氏之民載在典籍未可盡略也

始以重人倫之本而民始不瀆

造琴瑟

斲桐為琴繩絲為絃絃二十有七古登切桑為三十六

絃之瑟而樂音自是興焉伏羲樂曰立基亦云扶來載孝經鈞命訣今不取

帝崩葬于陳太昊陵在今陳州府懷寧縣西北

帝神靈首出開物成務立極萬世在位一百一十有五

年而崩傳十五帝曰女媧氏佐太昊正婚姻以重萬民之判是為神媒太昊沒其

上氏作亂女媧誅之以治天下命臣隨作笙簧以通殊風娥陵制都良筦以一天下之音破五十絃之瑟為二

十五絃而柏皇氏中央氏亦曰大庭氏其膺錄也三辰樂以和栗陸氏驪連氏亦曰渾沌氏亦

都于曲阜故魯有大庭氏之庫亦曰朱顏氏其時之民鼓腹而游含哺而嬉晝動敦赫胥氏其時之民鼓腹而游含哺而嬉晝動尊盧氏

敦赫胥氏其時之民鼓腹而游含哺而嬉晝動尊盧氏

昊英氏又曰有巢氏上古聖人教民巢居及其久也木處而顛有聖人教之編槿而廬緝

化故亦號有巢氏朱襄氏又曰葛天氏其治世也不言其作樂也三人操牛尾投

足以歌八闕是謂廣樂陰康氏無懷氏其民甘食而

重生雞犬之音相聞民至老死凡一千二百六十年而

神農氏作

神農氏在位一百四十年傳八世合五百二十年

炎帝神農氏

帝起于烈山帝母曰安登有神龍之感而生帝于烈山一名厲山在湖北德安府隨州北

荆州記厲鄉縣有石穴昔神農生此世謂之神農穴故亦曰烈山氏長于姜水今

陝西鳳翔府岐山縣東水經注故以姜為姓以火德代

伏羲氏治天下故曰炎帝

印七卷八頁

卷之二 伏羲氏 神農氏

三

今之民卽古之民古之民茹毛飲血初不知耕稼也後世視茹草木而食禽獸者幾如異類不知彼之去古猶未遠而已之反近於異類焉

都陳遷曲阜。皇甫謐帝王世紀炎帝都于陳又徙魯元和志曲阜古炎帝之墟曲阜今縣屬山東兗州府。

以火紀官。

春官爲大火夏官爲鶉火秋官爲西火冬官爲北火中官爲中火。

初藝五穀。

民茹草木食禽獸不知耕稼帝因天時相地宜斲木爲耜揉木爲耒教民藝五穀而農事興焉。

始制醫藥。

民有疾病未知藥石帝始味草木之滋察其寒温平熱之性辨其君臣佐使之義神而化之遂作方書以療民

疾而醫道立矣復察水泉甘苦令人知所趨避由是民無夭札之患天下宜之故號神農氏。

立市廛。

列廛于國中爲市致天下之民聚天下之貨交易而退各得其所。

夙沙氏

英賢傳炎帝時侯國來歸

諸侯夙沙氏叛煮海爲鹽。說文古者夙沙煮海始謂之鹽不用帝命其

臣箕文諫而被殺帝益修厥德夙沙之民自攻其君而來歸。

帝崩于長沙

今湖南長沙府之茶鄉。

今長沙府茶陵州葬茶陵。

炎帝陵在今湖南衡州府酃縣西。

帝興萬世生養之利。法省而不煩。威厲而不試。其俗樸

重。端慤不忿。爭而財足。無制令而民從。在位一百四十

年而崩。傳八世。譙周曰。自神農至曰帝臨魁。炎帝子。在

帝承。帝臨魁子。在位六十年。帝明。帝承子。在位四十九年。帝宜。帝明子。在位

帝來。帝宜子。在位四十八年。帝裏。帝來子。又曰帝居。帝榆罔。帝裏

神農氏之政。至帝始衰。諸侯攜貳。帝居位之五十五年。

諸侯尊軒轅為天子。降封帝于路。神農氏遂亡。炎帝

有別子曰柱。佐帝播種五穀。後世祀以為稷。帝裏有孫

曰戲。其後有勾龍。為顓頊后土。能平九州。辨土地之宜。

後世祀之。以配社。凡五百二十年而黃帝氏作。

軒轅氏在位一百年。

黃帝軒轅氏

少典氏神農時之子。母曰附寶。見電光生帝于軒轅之

繞斗。感而有孕。

邱。在今河南開故曰軒轅氏。姓公孫。長于姬水。故國于

有熊。卽新鄭。杜佑通典。新鄭。祝融之故亦曰有熊氏。

誅蚩尤。史記索隱。于涿鹿。山名。在今直隸宣

蚩尤好兵喜亂。作刀戟大弩。以暴虐天下。兼并諸侯。攻

炎帝榆罔。榆罔遜居涿鹿。帝乃徵師諸侯。與蚩尤戰于

涿鹿之野。蚩尤作大霧。軍士昏迷。帝為指南車。以示四

方。陳殷曰。車上用子午盤遂擒蚩尤而戮之。史記炎帝

侯。軒轅乃修德。振兵與炎帝戰于阪泉之野。三戰。然後

得其志。說本大戴禮。五帝德篇。考左傳。晉文公將勤王

使卜。偃卜之。曰吉。遇黃帝戰于阪泉之兆。然不言其與

炎帝戰也。若如戴德。史遷所云。則放伐之事。軒轅已先

行之。成湯何必更有慚德。且三

戰得志。其文尤不雅馴。今不取。

諸侯尊帝為天子。

帝自涿鹿還諸侯咸尊帝為天子以代神農氏因有土德之瑞色尚黃故號曰黃帝

以雲紀官

帝初受命適有雲端乃以雲名官春官為青雲夏官為縉雲秋官為白雲冬官為黑雲中官為黃雲

立六相暨史官

帝舉風后太昊之裔力牧太山稽常先大鴻史記封禪書鬼與蘆音以治民命蒼頡為左史沮誦為右史

制六書

蒼頡觀鳥獸蹄迹之跡體類象形而制字字有六義一曰象形謂日月之類象形體而為之也二曰指事謂上下之類人在一上為上人在一下為

下各指其事以為之也三曰會意謂武信之類止戈為武四曰轉注謂考老之類左右相轉以為言也五曰諧聲謂江河之類皆以水為形以工可為聲也六

曰假借謂令長之類一字兩用也使天下義理必歸文字天下文字

必歸六書循董紀以蒼頡為史皇又言初成文字天為雨粟鬼為夜哭其說怪迂今不取

制陳法

帝衍握奇亦作機之法太平御覽風后為黃帝衍握奇圖設五旗軍中所建具五色而制其

方之五麾牙旗也以牙為飾亦其五色見出軍訣六毒與毒同軍中大旗也而制其

陳熊山獸春罷似熊多力貉貉屬出貉類以為前行路史注此

言勇銳鵬鷲鳥似鷹而大鷲似雉鴈隨陽鷓屬即晨風以為左右

路史注此言又命岐伯作鑷形如小鐘鏡似鈴無舌鼓

革音之器角形如箭軍靈鞞騎上鼓神鉦今之銅鑼以揚德而



建武。

立占天官。

帝設靈臺立五官。天地神民物類之官。以敘五事。命鬼臾區占星。

義和占日。尚儀占月。車區占風。

作甲子。

帝命大撓探五行之情。占斗柄。即斗杓。東北第七星也。所建。史記天官

書攝提直斗杓所指。以建時節。始作甲子。甲乙丙丁戊己庚辛壬癸。謂之幹。子丑寅卯辰巳午未申。以名日。而定之以納音。

作蓋天。即渾天儀。及調歷。黃帝歷名。

命容成作蓋天。以象周天之形。因五量。起于黃鍾之會。合會為合。以十

乘之。為升斗。定五氣。五行之氣。起消息。皇佩曰。陽生為息。陰死為消。察發

斂。孟康曰。春夏為斂。發。秋冬為斂。以作調歷。歲紀甲寅。日紀甲子。而時

節定。是歲已酉朔旦。日南至。而獲神策。神策也。乃迎日推

策。推算以逆。知時日。造十六神歷。積斜。音餘。分以置閏。配甲子而

設部。至朔同在日。首謂之部。于是時惠而辰從。

定算數。即九章算法。

命隸首定數。以率其美。要其會。而律。即律呂。數因律起。律以數成。度

分寸尺丈引。量。注見上。衡。所以任權。而平銖。由是成焉。

造律呂。作咸池之樂。

帝命伶倫取竹嶰谿之谷。昆侖之北谷。斷兩節。間而吹之。以

為黃鍾之宮。律之最長者。制十二筩。以聽鳳。靈鳥。五采而凰。文其雌鳳。

之鳴。其雄鳴六。雌鳴亦六。以比黃鍾之宮。損益相生。下

者三分損一。上為六律。黃鍾太簇姑洗蕤賓。六呂。大呂。南呂。林鍾。仲呂。夾鍾。陰管為呂。又命榮叅鑄十二鐘。金音之器。以協月筩。于

是文之以五聲。宮商角徵羽。播之以八音。金石絲竹匏土革木。命大容

作雲門大卷之樂。中春之月乙卯之辰日在奎。西方奎十六星。

天之武庫。始奏之命曰咸池。

作冕旒。冠有旒曰冕。垂玉曰旒。正衣裳。

帝作冕垂旒充纁。細綿也。為元衣黃裳以象天地之正色。

旁觀翬翟草木之華乃染五采為文章以表貴賤。

作器用。

命甯封為陶正赤將為木正以利器用揮作弓夷牟作

矢以威天下又命共鼓化狐剡木為舟剡木為楫以濟

不通。邑夷作車以行四方服牛乘馬備物致用而天下

利矣。

作合宮。

帝廣宮室之制遂作合宮。又曰明庭。以祀上帝享百神而敷

政焉。

作貨幣。

范金。五色之金。為貨制金刀。錢名也。立五幣。金刀泉布帛。以制國用

作內經。

帝察五氣。燥濕寒溫涼。立五運。甲巳土乙庚金丙辛水丁壬木戊癸火。洞性命

紀陰陽咨于岐伯而作內經復命俞跗雷公察明堂究

息脉巫彭桐君處方餌而人得以盡年。

教民蠶

西陵氏之女嫫力追反祖為帝元妃始教民育蠶治絲繭以供衣服而天下無皴疥音遂祝寒瘍也之患後世祀為先蠶畫野分州經土設井

帝方行天下

史記帝拔山通道未嘗寧居遷徙往來以師兵為營衛

東至海西至

崆峒

山名在今甘肅肅州高臺縣西南

南至江

注詳後

北逐葷粥

史記匈奴傳唐

虞以前有山戎葷粥獫狁居于北蠻

合符釜山

在今直隸宣化府保安州西南

而邑于涿鹿之阿

括地志

媯州有涿鹿故城本黃帝所都

唐媯州今保安州是

于是畫野分州

得百里之國萬區命匠營國邑置左右大監監于萬國

萬國以和遂經土設井

言其經界如井字也

以塞爭端立步六尺

制畝步百為畝

以防不足使八家為井井開四道而分八宅

百里之國萬區依開方法應得積滿一萬萬里然考軒轅方行所至以今輿地按之則西不過肅州北不過宣化保安而東至海南

至江幅員其在安得有萬區百里之國哉可見史家紀載多恢張失實如禹會諸侯於塗山乃稱耕泉者蓋國亦此類也

井一為鄰鄰三為朋朋三為里里五為邑邑十為都都

十為師師十為州分之于井而計于州故地著猶言土著而

數詳

屈軼生于庭鳳凰巢于閣麒麟

仁獸毛蟲之長也游于囿

帝順天地之紀風雨時若人無夭札物無疵癘有草生

于庭佞人入則指之名曰屈軼鳳凰巢于阿閣麒麟遊

于苑囿

帝崩于荆山之陽葬橋山

在今陝西鄜州中部縣西北亦曰子午山接甘肅慶陽府真寧

縣界黃帝陵在山上

帝採首山

在今河南許州襄城縣南

之銅鑄三鼎于荆山

在今河南陝州閩鄉

南之陽八月既望鼎成崩焉其臣左徹感思取衣冠几

杖而廟祀之。帥諸侯羣臣。歲時朝焉。帝生而神靈。弱而能言。幼而徇也。疾也。齊也。長而敦敏。成而聰明德配天地。宰制羣動。故民安樂。不使而成。不禁而止。在位百年而崩。

年一百十有一歲。有子二十五人。其得姓者十有四人。曰祁。曰滕。曰任。曰荀。曰媯。曰姁。曰僂。曰衣。二姬。二酉。別為十二姓。元妃之子摯嗣位。為少昊氏。

金天氏在位八十四年。

少昊金天氏

名摯。亦曰元囂。已姓黃帝之子。母即嫫祖。感大星如虹。下臨華渚。而生帝。自

窮桑在曲阜縣北。登帝位。以金德王天下。故曰金天氏。史記

之子曰元囂。是為青陽。降居江水。不得立。漢書少昊帝考德曰清。清者黃帝之子清陽也。考少昊之立。見于左傳。故漢書因之。史記之說非是。

都曲阜

左傳伯禽封于少昊之墟。帝王世紀少昊自窮桑徙曲阜。

以鳥紀官。

帝之立也。鳳鳥適至。因以鳥紀官。鳳鳥杜預左傳注。鳳知天時。氏

為歷正。元鳥燕也。春分來。秋分去。氏司分。伯趙伯勞也。夏至鳴。冬至止。氏司

至。青鳥鶴也。立春鳴。立夏止。氏司啓。丹鳥鷩也。立秋來。立冬去。氏司閉。

是為歷正之四屬。祝鳩鷦鷯也。孝鳥。氏為司徒。睢鳩王鳩也。鷩也。氏

為司馬。鳴鳩鵲也。均平。氏為司空。爽鳩鷹也。性鷩。氏為司寇。鵠

鳩鵠也。春來。冬去。氏為司事。是為鳩。聚也。民之官。又立五雉雉有五種。

為五工。正賈逵曰。西鷩雉。主攻木。東鷩雉。主攻土。南翟雉。主攻金。北鷩雉。主攻皮。伊洛之南。為翟雉。

五色。利器用。正度量。以夷也。民立九扈九種。有九農正。

賈逵曰。春扈。越民耕。夏扈。越民表。秋扈。越民斂。冬扈。越民蓋藏。棘扈。為果。毆鳥。行扈。晝為民。毆鳥。宵扈。夜為農。

馮氏居在城金堂 馮氏居在城金堂。老扈。以扈也。民無淫。

作大淵之樂。

帝之御世諸福之物畢至。爰書鸞。似鳳。韋續字源。少

立建鼓。大鼓也。制浮磬。林之奇曰。磬石取至輕者。故謂之浮。以通山川之氣。

合樂以諧人神。和上下。是曰大淵。

帝崩葬于曲阜。少昊陵在今曲阜縣東北。

帝能修太昊之法象日月之明。故曰少昊。在位八十四

年而崩。年百歲。黃帝之孫顓頊嗣位為高陽氏。

高陽氏。在位七十八年。

顓頊高陽氏。

姬姓黃帝之孫黃帝元妃西陵氏生昌意。昌意降居若

水。即瀘水。今名打冲河。源出西番。逕四女。樞。感。瑤。光。是娶蜀山氏女。為

貫月之祥。生帝。帝年十歲。佐少昊二十。即帝位。初國

高陽。今河南開封府杞縣高陽城是。故號高陽氏。以水德王。色尚赤。

都于帝邱。今直隸大名府開州。有濮陽故城。漢書地理志。濮陽。古帝邱。顓頊墟。

始以民事紀官。

以少昊之子重為木正。曰勾芒。該為金正。曰蓐收。修熙。

相代為水正。曰元冥。又以炎帝之後勾龍為后土。而帝

之孫黎為火正。曰祝融。分治五方。是為五官。

命重黎治神人。

少昊之衰。九黎尚書正義。黎氏九人。亂德。民神雜揉。家

為巫史。民瀆齊盟。災禍薦臻。帝乃命南正重司天。以屬

神北正黎司地以屬民使復舊常無相輕瀆民用安生以建寅月為歷元。

帝作歷以孟春之月為元是歲正月朔旦立春五星會

于營室北方營室二星一曰清廟水凍始泮蟄蟲始振雞始三

號天地萬物莫不應和故後世稱帝為歷宗晉書律歷志黃帝作

調歷後顓帝以孟春月為元遂為歷宗

制九州馬端臨文獻通考

帝始建九州兖冀青徐豫荆揚雍梁統領萬國北至幽陵即幽州南

至交趾即南交西至流沙在今安西府敦煌縣西南地理今釋即古居延澤也其沙隨風

流行故名東至蟠木東海中山日月所照莫不砥平也屬四遠皆平也而來服屬

作承雲之樂。

命飛龍氏會八風條風明庶風清明風景風涼風閭風闔風不周風廣莫風是為八風之

音為圭水之曲以召氣而生物浮金効珍鑄之為鍾作

五基六英之樂以享上帝朝羣侯各曰承雲。

帝崩葬于濮陽濮陽注見上顓帝陵在今河南衛輝府滑縣東北

帝靜淵以有謀疏通而知事養材以任地載時以象天

依鬼神以制義治氣以教化潔誠以祭祀在位七十八

年崩年九十一歲少昊之孫帝嚳嗣位是為高辛氏。

高辛氏在位七十年

帝嚳高辛氏

姬姓名彘七倫切少昊之孫父曰橋極帝生而神異自言

其名年十五佐帝頊受封于辛今河南歸德府商邱縣南有高辛里元和志帝

即此歷代高辛氏

魯初年三十代高陽氏為天子以肇基于辛故曰高辛

氏以木德王色尚黑。

都于亳今河南南府偃師縣西有亳城帝王世紀契父帝魯都此。

作六英之樂。

命咸黑典樂為聲歌名曰六英。

帝崩葬于頓邱頓邱故城在今直隸大名府清豐縣西南帝魯陵在今河南衛輝府滑縣東北。

帝聰以知遠明以察微順天之義知民之急仁而威惠

而信執中而徧天下日月所照風雨所至莫不從服在

位七十年崩年百有五歲帝元妃有郃氏女曰姜嫄出祀

郊禘見大人之跡生棄次妃有娥氏女曰簡狄春分元

履之震動有娠狄祈于郊禘鳥降簡而孕有赤龍生契三妃陳鋒氏女曰慶都之感孕

十四生堯四妃姬訾氏女曰常儀生摯帝崩摯嗣位帝

世紀摯母于四妃之中班最下九年荒淫無度諸侯廢

之而尊堯為天子是為陶唐氏。

陶唐氏在位一

帝堯陶唐氏

姬姓高辛氏次子曰放勳育于母家伊侯之國今河南汝州伊

陽後徙者亦曰黎今山西潞安府黎城縣故曰伊耆氏身長十尺龍顏

年十三佐帝摯封植受封于陶今山東曹州府定陶縣是又封于唐

今直隸保定府唐縣是故為陶唐氏年十六諸侯廢帝摯而尊為

天子以火德王色尚白

甲辰元載帝即位



都平陽漢書地理志河東郡平陽應劭曰堯都也平陽故城在今山西平陽府臨汾縣

命羲和治歷象。

羲氏和氏重黎之後帝命治歷象授人時羲仲居嵎夷

東表之地胡渭禹貢錐指今朝鮮地理東作以殷仲春羲叔居南交交趾之地

地理今釋理南訛也化以正夏至和仲居西西極之地地理今

今安南國皆是以西理西成以殷仲秋和叔居朔方北荒之地地理今

攸遠故稱朔方理朔易朔猶言蘇以正冬至

巳乙二載置閏法

帝既命羲和治歷象四時推候皆合積一期而天有餘

度歲有餘日于是又置閏法歲有十二月月有三十日

日與天會而多五日有奇為氣盈月與日會而日月氣

少五日有奇為朔虛合氣盈朔虛而閏生焉

候始參會後世章法

三歲一閏五歲再閏十昉于此金

履祥曰章法雖云氣朔齊然猶有分秒之餘至二十七

章為會三會為統三統為元積四千六百一十七年日

月皆無餘分却得十一月甲子

朔子時半冬至又為歷元矣

置諫鼓立謗木

置敢諫之鼓使天下得盡其言立誹謗之木使天下得

攻其過

作戒

戒曰戰戰慄慄日謹一日人莫躡于山而躡于垤

戊申五載越裳氏在交趾南明史外國傳占城國古越裳地

秦為林邑縣漢曰象林晉以後為林邑國

後更號來朝

越裳氏重譯來朝獻大龜蓋千歲方三尺餘背有科斗

治道當以帝堯為祖今觀帝即位之始皆以授時為重而即繼之以納諫後之臨民者宜知所先後矣



聖人法天故天不愛道然  
帝之所以正四時而熙庶  
績乃本欽若之一心所謂  
在彼不在此也

徐氏原在通鑑

卷之十一

十四

文記開闢以來帝命錄之時有草生于庭曰蓂莢十五  
之前日生一葉十五之後日落一葉小餘則一葉厭而  
不落觀之可以知旬朔

庚戌 七載麒麟遊于郊藪

帝在位七年民不作忒鳴久山海經蒼梧之野有鳴久  
注即鳴鶴李時珍曰鳴久

鴟惡鳥也久前編  
誤作又今改正逃于絕域麒麟遊于郊藪

乙卯 十有二載巡狩方嶽

帝臨民以十二十二載一  
巡狩也周流五嶽存鰥寡賑荒札二

民饑則曰我饑之一民寒則曰我寒之一民罹辜則曰  
我陷之故民戴之如日月愛之如父母

甲申 四十有一載虞舜生

舜之先國于虞

括地志故虞城在河北縣虞山之上  
道元云堯以女嬪于虞之地也河北故

城在今山西系出虞幕史記以舜為顓頊五世孫路史

仍依史記以敬康而下為舜之祖考左傳自幕至于瞽

瞍無違命不言世數及各今故于幕之下瞍之上皆闕

之父瞽瞍盲母握登有大虹  
之感生舜于姚墟在今山西蒲  
州府永濟縣

癸巳 後居滄汭二水名在永濟縣首陽  
山下南曰滄北曰汭五十載帝遊于康衢

帝遊康衢有童歌曰立我蒸民莫匪爾極不識不知順  
帝之則有老人擊壤而歌曰日出而作日入而息鑿井

而飲耕田而食帝力何有于我哉帝又觀于華華封人  
祝曰使聖人富壽多

男子帝曰多男多懼富則多事壽則多辱封人曰天生  
蒸民必授之以職多男而授之職何懼之有富而使

分之何事之有天下有道與物皆昌天下無道修德就  
閒干歲厭世去而上仙乘彼白雲歸于帝鄉何辱之有

御批歷代通鑑輯覽

卷之一 陶唐氏

五

九仞之城即書所謂堙也  
鯀堙洪水而繹弗成禹決  
九川而民迺粒故治水之  
要隄防不如疏導此定論  
也若九澤既陂則止水耳

向嘗有禹貢無隄字之句  
意正謂此第今古異宜以  
今日生齒日繁寧慮櫛比  
之時民防險又在審變  
若而明之且東水刷沙  
而正溜以深政宜寓濬滌  
於隄防之內比年淮徐河  
流頗覺順軌其明驗也治  
人治法可易言哉

華山在今陝西  
同州府華陰縣南

癸巳 六十載虞舜以孝聞

舜母早喪瞽瞍更娶妻生象象傲瞍惑後妻愛少子嘗

欲殺舜舜盡孝悌之道日以篤謹年二十以孝聞耕于

歷山即雷首山今日中條跨  
蒲州府永濟諸縣界人皆讓畔漁于雷澤在雷

下亦曰人皆讓居陶于河濱今永濟縣北有陶城寰  
宇記舜陶河濱即此器

不苦窳作什器猶言什物于壽邱在今山東兗州  
府曲阜縣東就時謂逐

販于負夏鄭康成曰衛地所居一年成聚二年成邑三年成都

甲辰 六十有一載洪水命鯀顓帝長子  
駱明之子治之功弗成

時龍門山名在今陝西同  
州府韓城縣東北未開呂梁亦山名在今山西  
汾州府永寧州東

北未鑿河出孟門亦山名在今山  
西吉州西南之上江淮流通河注

俱詳後無有平原高阜帝求能治水者四岳掌方嶽  
之官舉鯀

帝乃封鯀為崇伯使治之鯀乃大興徒役作九仞之城

訖無成功

癸丑 七十載舉舜登庸

帝在位七十載以子朱嚚訟不可授乃詢四岳求遜位

四岳羣臣咸舉舜帝亦聞之于是以二女妻舜以觀其

內使九男與處以觀其外舜內行彌謹二女執婦道九

男皆益篤帝以舜為賢乃命以位金氏履祥曰書稱帝  
堯克明峻德以親九

族若如史記世系則堯之于舜為同高祖之族而直妻  
以二女豈得謂之克明峻德故知堯舜不同出于黃帝  
也

舜舉八愷八元和五典叙百揆

自孔安國書傳以饕餮為三苗而杜預左傳注遂并以渾沌窮奇檮杌即驩兜共工鯀山是經之四罪傳之凶混而為一不知四凶之投裔在舜賓門之時四罪之威服在舜攝位之後時異人殊經傳可據且鯀則極死而四凶不過投諸四裔又何可強為牽合

高陽氏有才子八人。曰蒼舒。曠。敬。檮。戴。大臨。龐。降。庭。堅。仲容。叔達。敬音體。檮音稠。戴音

天下謂之八愷。高辛氏有才子八人。曰伯奮。仲堪。叔

熊。叔豹。季狸。天下謂之八元。此十六族也。世濟其美。舜舉之。

使八愷主后土。以揆百事。八元布五教于四方。于是五

典克從而無違教。百揆時叙而無廢事。

甲寅 七十有一載。舜賓于四門。流四凶族。

帝鴻氏黃帝之後有不才子曰渾沌。少昊氏有不才子曰窮

奇。顓頊氏有不才子曰檮杌。縉雲氏黃帝之官有不才子曰

饕餮。天下謂之四凶。舜投諸四裔。于是四門穆穆而無

凶人。

乙卯 七十有二載。舜納于大麓。

帝使舜入山林相視。原隰雷雨大至。眾懼失常。舜行不

迷。

命舜攝位。

帝曰咨爾舜。天之歷數在爾躬。允執厥中。

殛鯀于羽山。在今江南海州。贛榆縣東。放驩兜。堯時司徒。杜預以為于

崇山。在今湖南澧州。永定縣東。

命禹治水。

鯀既殛死。乃命禹為司空。使續父業。禹與益顓頊之裔。孫曰女修。

生大業。大業生稷。即棄。同受命。命諸侯百姓。與人徒以

傳土。禹乘四載。水乘舟。陸乘車。泥乘輶。山乘櫟。行山表木。勞身焦思。以

水之患。莫大于河。濟次之。淮與江又次之。乃先治河。始

壺口禹導河自積石而施功則自壺口始于是闢龍門  
鑿底柱自孟津而北疏為九河積石山有二一  
曰大積石即今大雪山在今青海之西南境禹導河自  
此一日小積石在今蘭州府河州西北古唐述山也壺  
口山在今山西吉州西南龍門注見上底柱山在今河  
南陝州黃河之中有三門禹所鑿孟津在河南懷慶府  
孟縣南今日河陽渡九河曰徒駭太史馬頰覆醜胡蘇  
簡潔鈞盤鬲津爾雅疏徒駭是河之本道東出分為八  
枝瀹濟自沈水濟之上源為沈東流為濟入于河溢為  
源出今河南懷慶府濟源縣王屋山既見而伏復出為  
東西二池合流至溫縣潛行絕河榮即榮澤亦曰榮濱  
在今開封府滎陽縣南陶邱地名在今山東曹州府定  
陶縣西南汶水有五北汶嬴汶柴汶牟汶其一經流曰  
大汶出山東泰安府萊蕪縣與導淮自桐柏會于泗沂  
四汶合流舊自安民亭合濟導淮自桐柏會于泗沂  
在今河南南陽府桐柏縣淮水出其支山曰胎簪泗水  
出今山東兗州府泗水縣陪尾山四源並發故名沂水  
于淮今為運道所經俱已改流不具載導江自岷山  
別為沱過九江會于漢滙為彭蠡東為中江岷山在  
今四川茂州及松潘衛連亘數千里其一支曰羊膊嶺

江水所出沱有二一在梁州今四川成都府之郫江是  
一在荊州今湖北荊州府之夏水是九江即洞庭湖在  
今湖南岳州府接長沙常德二府界沅漸辰無敘酉湘  
資澧九水匯焉故曰九江漢水出今陝西漢中府寧羌  
州嶓冢山是為東漢水至湖北之漢陽入于江彭蠡即  
鄱陽湖在今江西南康府與九江饒州諸府接界中江  
江之經流漢為北江皆注諸海是為四瀆獨發源而四  
彭蠡之支為南江北條之水入于河濟南條之水入  
瀆修而民宅土矣于江淮然後人得平土而居之  
丙辰七十有三載正月朔舜受終于文祖

舜受終于帝始祖之廟以攝位告

齊七政

在察也璿璣玉衡以玉為璿象天之運轉以璿珠飾之  
象星辰之位次以玉為橫簫推其分  
度時節以窺天而與璣合以齊七政日月五星也  
後世渾天儀象蓋其法也

舉羣祀

類于上帝。禋于六宗。四時寒暑日月星水旱。宗之說不一。今從蔡沈書傳。望于山川。徧于羣神。

觀羣后。

輯五瑞。公桓圭。侯信圭。伯躬圭。子穀璧。男蒲璧。擇吉月。日觀四岳羣牧班瑞。

丁巳七十有四載。巡守。去聲。下同。

歲二月。東巡守。至于岱宗。泰山。在今山東泰安府泰安縣。柴望秩于山

川。肆覲東后。協時月。正日。同律度量衡。修五禮。吉。凶。軍。賓。嘉。

五玉三帛。元纁。黃纁。二生。羔。鴈。一死。雉。贊如五器。同五禮之器。卒

乃復五月。南巡守。至于南岳。衡山。在今湖南衡州府衡山縣。如岱禮八

月。西巡守。至于西岳。華山。注見前。如初。十有一月。朔巡守。至

于北岳。恒山。在今山西大同府渾源州。如西禮。歸格于藝祖。書傳。藝。文。也。孔穎達

曰。藝。祖。文。祖。用。特。特。牲。謂。史。變。文。耳。一。牛。也。

流共工。古之世官族也。鄭樵曰。共工氏。蓋自伏羲之後。子孫承傳。以至堯舜之世。于幽州。今順天府

密雲縣東北。有共城。括地志。舜流共工于此。

未已七十有六載。竄三苗。國名。吳起曰。三苗之國。左洞庭而右彭蠡。是也。考三苗。即今湖南溪

尚諸苗。其種不一。故唐虞時。即號三苗。孔安國以爲縉雲氏之子。饗。是專指一人而言。說不足據。于三危。

山名。在今安西府敦煌縣南。三峯聳峙。如危欲墮。故名。

制五刑。

象以典刑。墨。劓。剕。宮。大辟。五刑之正。流宥五刑。五刑可矜。遣之遠去。鞭作官刑。

官府之刑。扑作教刑。學校之刑。金作贖刑。非之極輕。眚過誤。災不幸。肆

赦。怙。有。恃。終。再。犯。賊。刑。

庚申七十有七載作大章之樂

辛酉七十有八載神龜出于洛洛水出陝西維南縣冢嶺山至河南鞏縣入河

禹治水時有神龜負文而出列于背有數自一至九沈

書傳戴九履一左三右七二四為肩六八為足此洛書之數也禹因而第之以成九類

癸亥八十載禹治水成功

禹八年于外三過其門而不入始冀州冀為帝都三面距河次兗

濟河為兗次青為青次徐淮為徐次揚為揚次荆陽為荆次

豫為豫次梁華陽黑水為梁次雍黑水西通九川之川度九山

九州之山陂九澤九州之澤任土作貢則壤成賦弼成五服甸侯

荒外薄四海于是禹錫元圭告厥成功禹以元圭為誓而告成功水色

黑故圭以元

甲子八十有一載分十二州

肇十有二州分冀之東為并州東北為幽州青之東北為營州封十有二山每

封表一山以為之鎮

封諸侯錫姓氏

封禹于夏帝王世紀禹受封在河南陽翟陽翟今開封府禹州是錫姓姁氏是為夏后

氏統領州伯以巡十二部契于商括地志商洛縣在商封地志商洛縣在商

西商姓子氏是為商之始祖棄于邰今陝西乾州武功縣有故釐城棄所封姓姪

氏是為周之始祖四岳共工從孫為四岳之官于呂今河南汝寧府新蔡縣有大呂亭古呂國

姓姜氏又加賜伯益姓嬴氏是為秦之祖

癸未百載帝崩于成陽故城在今山東曹州府濮州葬穀林即成陽今堯陵在泰安府

東平州

帝欽明文思。允恭克讓。其仁如天。其智如神。就之如日。瞻之如雲。存心于天下。加志于窮民。仁昭而義立。德博而化廣。故不賞而民勸。不罰而民治。在位百有一年而崩。年一百十七歲。百姓如喪考妣。三載四海遏密八音。舜避帝之子于南河之南。今濮州東有偃朱城。括天下地志。舜避丹朱于此。不歸帝之子而之舜。舜乃即天子位。為有虞氏。

有虞氏 在位四十八載。

帝舜有虞氏

姚姓。曰重華。淮南子。舜三瞳子。是謂重明。其先國于虞。系見前。故曰有

虞氏。

丙戌元載。正月帝即位。

帝服堯喪三年畢。始格于文祖。告即位。以土德王。色尚赤。

都蒲坂。故城在今山西蒲州府永濟縣。亦曰虞都城。

詢四岳。

闢四門。明四目。達四聰。

咨十二牧。

帝曰。食哉惟時。柔遠寬而撫之。能迺擾而習之。惇篤厚有德。允元仁信。

而難任人。在古文作王。拒姦惡也。蠻夷率服。

命九官。

命禹宅百揆。棄為后稷。播百穀。契為司徒。敷五教。皋陶字庭堅。高陽氏子。考路史以臯陶為少昊之後四世。今依杜預左傳注。作士。明五刑。垂龍

之。作共工。主工師。益作虞。治山澤。伯夷垂之子。或作秩曰四岳。宗。典三禮。夔亦曰后夔。典樂。教胄子。龍路史曰晏龍。作納言。出納帝命。

封堯子朱于丹。今山東青州府臨朐縣東北。有丹水。竹書紀年。堯處丹朱于丹水。即此。

初堯讓天下于舜。處子朱于丹淵。即丹水。為諸侯。至是封

朱以奉堯祀。禮樂如之。謂之虞賓。示弗臣也。

封弟象于有庠。今湖南永州府道州。有鼻亭水。經注謂之有鼻墟。即有庠也。

象雖為諸侯。不為政。使吏治其國。而納其貢賦焉。

建學。

太學曰上庠。在西郊。小學曰下庠。在國中。

始養老。皇侃曰。養老之禮。四。三老五更。一也。子孫死。王專養其父祖。二也。致仕之老。三也。庶人之老。四也。

養國老子。上庠。養庶老子。下庠。俱以燕禮。一獻既畢。皆坐而飲酒。

禹。皋陶。陳謨。書序。皋陶矢厥謨。禹成厥功。帝舜申之。作大禹。皋陶謨。益稷。

亥。二載作五絃琴。

帝作五絃之琴。以歌南風。其詩曰。南風之薰兮。可以解

吾民之愠兮。南風之時兮。可以阜吾民之財兮。

子。戊。三載考績。

三考黜陟幽明。

庚。寅。五載作九韶樂。

夔為樂正。正六律。和五聲。以通八風。重黎欲求益人。帝

曰。一夔足矣。于是作箭韶樂。九成。百獸率舞。鳳凰來儀。

卯。辛。六載巡狩。



註疏家以為帝舜之歌先言股肱臯陶賡歌先言元首此君臣交儆之義似矣不知勅命二句即歌語乃歌者永言申歌之意耳臯陶之意亦廛於省成均發於自然而動於不容已謂其交相責難猶未免窺測也

帝五載一巡狩羣后德讓貢正聲而九族奏具成諸侯貢其

正聲而天子九奏之樂乃具成

金氏履祥曰此採詩作樂之始

巳亥十有四載帝作歌。

帝庸作歌曰。救天之命。惟時惟幾。乃歌曰。股肱喜哉。元

首起哉。百工熙哉。臯陶拜手稽首。颺言曰。念哉。率作興

事。慎乃憲。欽哉。屢省乃成。欽哉。乃賡載歌曰。元首明哉。

股肱良哉。庶事康哉。又歌曰。元首叢脞哉。股肱惰哉。萬

事墮哉。于時景星出。卿雲興。百工相和而歌。帝乃偶之

曰。卿雲爛兮。糺繆繆兮。日月光華。旦復旦兮。八伯東陽伯南夏伯義伯西秋伯和伯北冬伯和伯進稽首曰。明明上天。爛然星陳。日

月光華。宏于一人。十有五載帝載歌曰。日月有常。星辰有行。四時順經。萬姓允誠。於子論樂配天之靈。遷于賢善。莫不咸聽。鼗乎鼓之。軒乎舞之。菁華已竭。褻裳去之。

巳丁三十有二載。命禹攝位。

帝之子商均不肖。于是命禹攝位。禹讓于臯陶。帝曰。惟

汝諧。命之曰。人心惟危。道心惟微。惟精惟一。允執厥中。

午戊三十有三載。禹受命于神宗。

禹受命于堯之廟。率百官如帝之初。

酉辛三十有六載。有苗三苗餘孽格。

時有苗弗率。帝命禹徂征。禹誓師于衆。奉辭伐罪。三旬

苗民逆命。益贊于禹。班師振旅。帝乃誕敷文德。舞干羽

于兩階。七旬有苗格。

于兩階。七旬有苗格。

于兩階。七旬有苗格。

西四十有八載。帝崩于蒼梧。山名亦曰九疑。在今湖南永州府寧遠縣。葬零陵

帝舜陵。在今寧遠縣東南。

帝濬哲文明。溫恭允塞。臨下以簡。御衆以寬。德若天地而靜虛。化若四時而變物。是以四方風動。暢于異類。鳳翔麟至。鳥獸馴德。年二十以孝聞。三十堯舉之。五十攝天子事。六十一代堯踐帝位。踐位四十八年。年百有十歲。南巡遂崩于蒼梧之野。二年喪畢。禹避帝之子于陽城。故城在今河南南府登封縣。天下諸侯不歸帝之子而歸禹。禹乃即位為夏后氏。

御批歷代通鑑輯覽卷之二

夏起禹丙子。至桀甲午。凡十七王十四世。四百三十九年。其桀之乙未。兩繫于夏商之代。紀數則屬于商。

夏后氏大禹。史記作帝禹。

姒姓。顓頊之孫。鯀之子。生石紐。譙周蜀本紀。禹本汶山郡廣柔縣人。生于石紐。廣柔廢縣。在今四川茂州汶川縣西北。地有石紐村。元和志。禹所生處。考唐書地理志。茂州石泉縣有石紐山。石泉。今屬龍安府。山下有大禹廟。相傳禹以六月六日生。此今以蜀紀。元和志為據。長于西羌。

今洮岷。松茂。古為西羌。封夏伯。故曰伯禹。天下宗之。故曰大禹。

丙子元歲。王即位。國號夏。

王既為衆所歸。乃即天子位。因所封國為有天下之號。以金德王。

都安邑。今山西解州夏縣北。有安邑故城。禹所都。帝王世紀。禹先封陽翟。後都安邑。

以建寅月為歲首改載曰歲。

天開于子地闢于丑人生于寅歲首建寅得人之正是

謂人統以平旦為朔

朱子論語注夏以寅為人正商以丑為地正周以子為天正然時以作事歲月自當以人為紀故孔子嘗曰吾得夏時焉而又以告顏子也

色尚黑。

牲用元戎事乘驪馬深黑色朝燕服收冕屬取斂髮之義冠而黑衣

封丹朱于唐即堯初所封注見前商均于虞今河南歸德府虞城縣

立貢法。

一夫受田五十畝每夫計其五畝之入以為貢。

建學。

國學曰學大學為東序在國中小學為西序在西郊鄉

學曰校。

養老。

養國老于東序養庶老于西序俱以饗禮體薦不食爵

不坐以尊卑為獻數畢而止

作大夏樂。

命臯陶為夏籥九成淮南子夏后氏其樂夏籥九成昭成功也

定車制。

初黃帝作車少昊加牛奚仲在姓黃帝之後封于薛是為薛之始祖薛故城在今

山東兗州府滕縣加馬王乃命仲為車正建綬讀為裝旒繼旒

旗尾以別尊卑等級也。

以五聲聽治。

揭鐘鼓磬。石音鐸。鈴屬。鞀與鼗同。五器于庭而銘于篥。

鐘告以事者振鐸。語以憂者擊磬。有獄訟者揮鞀。常曰

吾不恐四海之士留于道路。恐其留吾門也。故嘗一沐

三握髮。日中不暇食。以禮有道之士焉。

絕旨酒。

儀狄。人名。戰國策昔者帝女令儀狄作酒。王飲而甘之。

曰後世必有以酒亡其國者。遂疏儀狄而絕旨酒。

會諸侯于塗山。在今江南鳳陽府懷遠縣。山南有禹會村。

承唐虞之盛。執玉帛者萬國。

塗山之會執玉帛者萬國  
與黃帝百里之國萬區同  
一荒渺未泯遺孽多譏其

安履祥金氏以為史傳之  
後其長然

丁丑二歲。臯陶薨。

王舉臯陶。將授政。而臯陶薨。封其後于英。今江南六安州英山縣有

古英氏城。史記索隱。臯陶六。今六安州。之後封此。後改為蓼國。古六國也。

舉益為相。

戊寅三歲。考功。

巳卯四歲。鑄九鼎。

王復九州。九牧貢金。鑄鼎象物。使民知神姦。入山林川

澤。不逢不若。用能協于上下。以承天休。

庚辰五歲。巡狩。

王出見罪人。下車問而泣之。左右曰。罪人不順道。君王

何為痛之。王曰。堯舜之人。皆以堯舜之心為心。寡人為

禹鑄九鼎。漢書及他紀載  
皆同。金氏履祥獨據墨子  
之說。以為后啟所鑄。捨經  
傳而從子書。非是。至鑄鼎  
象物。左傳猶稱近古。胡氏  
宏乃以為圖九州。道里貢  
賦。夫道里貢賦。何以稱象  
物耶。蓋好異逞臆之病。紀  
事者所不免。

祇台德先之世即有不共命若防風氏者易所謂不寧方來後夫凶也後至之誅蓋有不得已然周書曰其克詰爾戎兵以陟禹之迹亦可見大禹立政之大端矣

君百姓各自以其心為心是以痛之王濟江注見前黃龍負舟舟人恐王神色不變曰吾受命于天竭力以勞萬民生性也死命也龍何為者須臾龍俛首低尾而逝

未癸

八歲會諸侯于會與檜同稽今浙江紹興府會稽縣防風

氏今浙江湖州府武康縣古防風氏國後至戮之

王崩葬會稽大禹陵在會稽山

王會諸侯計功而崩因葬焉命曰會稽會稽者會計也王敏給

克齊其德不違其仁可親其言可信聲為律身為度不

寶尺璧而貴寸陰聞善言則拜見耕者五耨而式過十

室之邑必下為有秉德之士存焉是時天下殷盛公家

有三十年之積私家有九載之儲政令流行百姓親睦

王年十四而始用九十三而踐位百歲而崩在位八年

既崩益避王之子于箕山在今河南河南南府登封縣之陰天下不歸

益而歸王之子啟乃即天子位

后啟

禹娶塗山氏漢書地理志九江郡當塗應劭曰禹所娶塗山侯國也當塗故城在今鳳陽府懷遠縣生啟荒度土功過門弗入塗山氏能明訓教啟化其

德卒成令名見列女傳

甲申元歲諸侯奉嗣子即位

甲申

金氏履祥曰三代以來嗣君皆踰年而稱元與堯舜禹之間不同故胡氏大紀于啟甲申書元今從之

乙酉

二歲伯益歸政就國

後益薨王歲以犧牲祀之

鈞臺之享史書不言歲月然當在伯益歸政之後蓋初年尚在宅憂不當大享三年啟始親政諸侯來朝是以有鈞臺之享是時諸侯皆至而有扈不服故有甘之戰即此知啟之賢能敬承禹之道矣

丙三歲大享于鈞臺。在今河南開封府禹州大陵之西。俗曰臺陂。亦曰啟筮亭。地道記。昔夏后

王既即位。諸侯會同。乃即鈞臺而大享焉。

伐有扈。今陝西西安府鄠縣夏扈園。

有扈氏不服。王伐之。召六卿而誓曰。有扈氏威侮五行。

怠棄三正。天地人之道。天用勦絕其命。今予惟恭行天之罰。

大戰于甘。今鄠縣西南有甘亭。啟誓師處亦曰甘澤。遂滅有扈。

王九歲序九辯九歌。朱子楚辭集註。九辯。九歌。皆禹樂。

禹象功作樂曰九辯九歌。王敬承禹功。乃序其樂而歌之。

王崩。子太康立。

王繼世而有天下。持禹之功不替。德教施于四海。在位九年而崩。年九十一。

后太康

癸元歲。

王尸位。以逸豫滅厥德。黎民咸貳。夏政始衰。

十有九歲。王畋于洛表。洛水。注見前。羿距王于河。洛在河南。羿距于河

北。王居陽夏。今河南陳州府太康縣。

王畋于有洛之表。十旬弗反。有窮后羿。蔡沈書傳。窮。國名。窮國君之

各因民弗忍。距于河。王不得入國。遂築陽夏之城而居

焉。太康縣陽夏故城。路史。夏太康所築。

五子作歌。

太康失邦昆弟五人須于洛汭洛水入河之處乃述大禹之戒

以作歌其一曰皇祖有訓民可近不可下民惟邦本本固邦寧子視天下愚夫愚婦一能勝予一人三

失怨豈在明不見是圖子臨兆民凜乎若朽索之馭六馬為人上者奈何不敬其二曰訓有之內作色荒外作

禽荒甘酒嗜音峻宇雕牆有一于此未或不亡其三曰惟彼陶唐有此冀方今失厥道亂其紀綱乃底滅亡其

四曰明明我祖萬邦之君有典有則貽厥子孫關石和

鈞王府則有荒墜厥緒覆宗絕祀其五日嗚呼曷謂予懷之悲萬姓仇予子將疇依鬱陶乎子

心顏厚有忸怩弗慎厥德雖悔可追

辛酉二十有九歲王崩于陽夏弟仲康立

后仲康

五子之一

戊壬元歲命胤侯胤國各路史以為利之胤山掌六師

秋九月朔辰弗集于房

劉氏炫曰房所舍之次也集會也會舍也舍不合則日蝕可知

亥癸二歲命胤侯征羲和

侯告于眾曰羲和顛覆厥德沈亂于酒畔官離次叔擾

天紀遐棄厥司乃季秋月朔辰弗集于房警奏鼓齊夫

馳庶人走羲和尸厥官罔聞知政典曰先時者殺無赦

不及時者殺無赦今予以爾眾士奉將天罰爾眾士同

力王室尚弼子欽承天子威命

林氏之奇曰仲康即位之始即能命胤侯掌六師以收兵權羲和之罪雖曰沈亂于酒然黨于羿同惡相濟胤侯承王命征之以剪羿之羽翼故終仲康之世羿不得以逞

甲子三歲羿滅伯封

御批歷代通鑑輯覽 卷之三 夏后仲康

商邱在河南而斟灌斟尋乃在山東青萊所謂馬牛風不相及何能相依或其時來從王難耶然云相依則其藉其土地民人之勢也古史荒畧鮮實可見一

伯封。后夔之子也。羿滅之。夔是以不祀。

金氏履祥曰。左傳所載伯封事。以失之誣。不具錄。據路史。禹命伯封。叔作衍。歷是伯封。夏之天官。仲康征羲和。而夷羿滅伯封。直與王室爭諸侯耳。

甲戌 十有三歲。王崩。子相立。

后相

乙亥 元歲。徙都商邱。今河南歸德府商邱縣。

王為羿所逼。遷于商邱。依斟灌。今山東青州府壽光縣東北。有斟灌城。應劭曰。古斟尋。禹後。

古斟灌。斟尋氏。今山東萊州府濰縣東。有斟亭。應劭曰。古斟尋。禹後。

征畎夷。九夷之一。

辛巳 七歲。畎夷來賓。

自太康失政。四夷背叛。及王即位。始征畎夷。七歲然後

來賓。

壬午 八歲。寒。國名。今山東萊州府濰縣東。有寒亭。古寒國。浞。寒君。殺羿。

羿自鉏。今河南衛輝府滑縣。有鉏城。羿初居于此。遷于窮石。左傳注。河南有窮谷。羿所遷也。

因夏民以代夏政。恃其善射。不修民事。而淫于原獸。棄

武羅。伯因熊髡。龍圍。四人。皆羿之臣也。而用伯明氏。寒國之君。之讒

子寒浞。使為己相。浞行媚于內。施賂于外。愚弄其民。而

虞。同娛。羿于田。樹之詐慝。以取其國。外內咸服。羿猶不

俊。將歸自田。家衆逢。音龍。路史作蒙。龐門。殺而烹之。

壬寅 二十有八歲。寒浞使其子澆。弑王子帝邱。注見前。王后緡

歸于有仍。路史。仍。太昊後。卽任也。地在今山東兗州府濟寧州。臣靡。奔有鬲氏。今山東濟

南府德州北。有鬲縣故城。古鬲國。



浞因羿室生澆。即豕。及豷使澆用師滅斟灌斟尋遂弑王。王后緡方娠逃出自竇歸于有仍。遺臣靡奔有鬲。浞乃處澆于過。今萊州府掖縣北有過鄉。澆澆于此。左傳在鄭宋之間。孔穎達曰傳所云鄭宋之隙地。戈。出。錫。是也。

后少康

癸卯元歲相后緡生少康于有仍。

金氏履祥曰。癸卯以後皇極經世。缺四十年不書。胡氏大紀。即以少康所生之年為元歲。蓋少康既生。則夏統不絕。今從之。

甲子二十有二歲。少康自有仍奔虞。注見前。

少康為仍牧正。悉毒也。澆能戒備也。之。澆使椒澆臣。求之。逃奔有虞。為之庖正。虞思虞君。于是妻之以二姚。而

國之統繫於君春秋之義君在即大統歸之新莽書更始之年則天紀房陵之蹟皆此意也胡氏大紀以少康所生之年為元歲是糾皇極經世之誤然是時夏之不失其亦如纒耳

邑諸綸。今虞城縣東南有綸城。括地志。夏少康邑。有田一成。有眾一旅。能布其德。而兆其謀。以收夏眾。撫其官職。

午子四十歲。靡誅寒浞。立王。王誅澆及豷。

靡自有鬲氏。收二國。灌。尋。之。燼以滅浞。而立少康。少康

使女艾。少康臣。路。候也。澆使季杼少康子。誘豷。遂滅過。

戈。復禹之績。祀夏配天。不失舊物。

胡氏宏曰。少康靡鬲受困阨而不渝。濱死亡而不怠。兢兢業業。經營四十年。然後克殄元凶。不失舊物。故唐臣虞世南論歷代中興之主。以少康為冠。

方夷。亦九夷之一。來賓。

夷人久畔。王既立。遂賓于王門。獻其樂舞。

癸卯六十有一歲。封庶子無余于越。是為於越之祖。

禹葬會稽。太康而後。歲弗及祀。王乃封其少子于越。號曰無余。從民所居。居于秦餘。今會稽縣東。有侯城水。經注。越無余初居于此。春秋奉禹祀。

王崩。子杼立。

王生長艱危。備嘗險阻。卒成再造之功。為中興之主。年四十而復國。在位實二十二歲。

后杼。史記作子。路史作伯杼。前編作季杼。

甲辰元歲。

戊申五歲。征東海。伐三壽。路史以為卽平壽。今萊州府濰縣。有平壽故城。

庚申十有七歲。王崩。子槐立。

王佐少康。戡定寒氏之亂。帥禹之道。故夏后氏報焉。其宗

有德也。

后槐。帝王世紀作芬。

辛酉元歲。

丙戌二十有六歲。王崩。子芒立。

后芒。史記芒一名和。

丁亥元歲。以元圭賓于河。乃東狩于海。

甲辰十有八歲。王崩。子泄立。

后泄。路史作洩。是為世宗。

乙巳元歲。加六夷爵命。

畎夷。白夷。赤夷。元夷。風夷。陽夷。六屬來王。于是始加爵命。

庚申 丁有六歲王崩子不降立

后不降 世紀作帝降。

辛酉 元歲

丙寅 六歲伐九苑 戎名。

巳未 五十有九歲王崩弟廩立

后廩 路史或曰高陽。

庚申 元歲

庚辰 二十有一歲王崩子廩立

后廩 世紀一名頓。

辛巳 元歲

辛丑 二十有一歲王崩不降之子孔甲立

后孔甲

壬寅 元歲

甲辰 三歲以劉累 陶唐氏之後生而有文為御龍氏。

時天降二龍雌雄各一王不能食 音嗣。有劉累者學擾

龍于豢龍氏 左傳豢叔安裔子曰董父能擾畜龍能飲

食之王嘉累賜氏曰御龍龍一雌死潛醢以食王既而

王使求之累懼奔魯 今河南汝州魯山縣。

採首山 注見前。鐵鑄劍 陶弘景古今錄作八歲今依前編輯。

戊辰 二十有七歲商湯生

契封于商十二傳而至主癸 契生昭明昭明生相土相

土生昌若昌若生曹圉曹圉生冥冥生振振生微微生報丁報丁生報乙報乙生報丙報丙生主壬主壬生主癸。生履是為

成湯帝王世紀。生癸之妃扶都。見白氣貫月。感而生湯。

王三十有一歲。王崩。子皐立。

王好事鬼神。肆行淫亂。作破斧之歌。是為東音。諸侯化之。夏政日衰。

后皐

癸酉元歲。

癸未十有一歲。王崩。子發立。

后發路史作敬發。亦曰發惠。

甲申元歲。

王十有九歲。王崩。子癸立。是為桀。

后癸

癸卯元歲。

王淫虐有殊力。能伸鈞索。鐵生裂兕虎。負恃其勇。不務德而武傷百姓。有趙梁者。教為無道。勸以貪狠。百姓弗堪。

甲子二十有二歲。公劉路史云。劉去后稷蓋十餘世。遷于豳。今陝西邠州三水縣有豳

城。公劉所居。

初。舜封后稷于邰。注見前。子孫實世。稷官服事虞夏。傳至

不窋。史記以不窋為后稷之子。譙周引國語。辯之。以為不合事情。張守節。羅泌等。亦言其非。辭繁不具。載

值夏道衰。去稷弗務。用失其官。竄于戎狄之間。程大昌曰。慶州

有不窋城。慶州。今甘肅慶陽府是。再世至公劉。不窋生鞠。鞠生公劉。乃徙于豳。復

修后稷之業。百姓懷之多徙而歸焉。周道之興自此始。

乙亥三十有三歲伐蒙山有施氏進妹喜韋昭國語注有施喜姓國妹其女也

自孔甲之後王室德政日衰諸侯或不朝王伐蒙山有施氏有施氏進女妹喜王嬖之所言皆聽妹喜好聞裂

繪聲王發繪裂之以順適其意為瓊室象廊瑤臺玉牀行淫縱樂政事怠廢又為肉山脯林酒池可以運舟一

鼓而牛飲者三千人以為戲劇

丁丑三十有五歲商湯嗣為諸侯始居亳周書立政三亳三

卽景亳湯受命之地穀熟為南亳湯初所都偃師為西亳湯後所都盤庚徙此北亳今歸德府商邱縣之薄縣故

城是南亳今商邱縣之南亳城是西亳今河南府偃師縣之亳城是

自契至于成湯八遷契居商昭明居砥石相土居商邱湯居亳孔穎達曰事見經傳者有

此四遷餘未詳聞湯始居亳卽南亳

戊寅三十有六歲商湯征葛今歸德府寧陵縣有葛鄉夏葛伯國

湯為方伯得專征伐葛伯不祀湯始征之書序湯征葛伯作湯征今

其篇亡

卯巳三十有七歲商湯進伊尹

伊尹名摯皇甫謐曰力牧之後生于空桑今開封府杞縣西有空桑城寰宇記伊尹生于此耕

于有莘今山東曹州府曹縣北有莘城古莘國之野湯三使往聘之尹乃

就湯湯薦尹于王自亳凡五適夏告以堯舜之道王終

不聽

午士四十歲伊尹復歸亳

王與羣臣俱沈湎于酒羣臣相持而歌曰盍歸于薄卽

亳薄亦大兮伊尹聞之進告于王曰天命之亡有日矣

王啞然笑曰吾有天下如天之有日也日有亡乎日亡  
吾乃亡耳于是伊尹接履而趨復歸于亳書序伊尹去亳適夏既醜  
有夏復歸于亳入自北門遇汝鳩汝方作汝鳩汝方金氏履祥曰孟子伊尹五就湯桀之說或本此書惜其篇亡不可考矣

蘇氏轅曰伊尹以處士從湯及其適夏湯與知之其君臣之心以為伐桀以濟斯世不若使尹事桀以止其亂雖使夏不亡商不興無憾也及其不可復輔于是舍而歸商耳其後文王事紂亦為之三公至將囚而殺之然後棄之而西蓋湯之于桀文王之于紂其不欲遽取之者如此此所以為湯文而非後世之所能及也歟  
甲申 四十有二歲囚商湯于夏臺即鈞臺既而釋之

湯出見人張網四面湯解其三面祝曰欲左者左欲右者右惟不用命者乃入五網諸侯聞之曰湯德及禽獸歸之者四十餘國王疾其大得諸侯和也召之囚于夏

臺已而得釋

王辰 五十歲會諸侯于有仍氏注見前有緡氏今山東兗州府金鄉縣有東緡故城夏有緡國叛攻克之

王肆其侈心為有仍之會有緡氏見王汰侈弗善也引師先歸王怒率諸侯攻克之愈自矜肆諸侯韋氏今衛輝府滑縣有韋城廢縣顧氏今曹州府范縣有古豕韋氏國彭姓昆吾氏今直隸大名府開州有昆吾故城夏各府開州有昆吾故城夏助王之惡以虐其民

癸巳 五十有一歲太史令終古犇商

王鑿池為夜宮男女雜處三旬不朝終古執圖法泣諫不聽遂犇商

冬十月鑿山穿陵以通于河

諫者曰洩天氣發地藏天子失道後必有敗王殺之者老或諫王又殺之王見錄書云亡夏者桀于是大誅豪傑大費即伯益之後曰費昌徙族以歸于湯

甲午五十有二歲殺諫臣關龍逢音龍

王不道愈甚關龍逢進諫曰古之人君愛民節用享國之日長今王用財若無窮殺人若弗勝亡無日矣盍少悛乎不聽龍逢立而不去王怒遂殺之

兩日鬪五星錯行泰山崩伊洛竭伊水出陝州盧氏縣熊耳山至河南府偃師縣

入洛洛水注見前

乙未五十有三歲湯伐昆吾遂攻鳴條今山西解州安邑縣有鳴條岡王師

敗王奔南巢今江南廬州府巢縣夏亡

昆吾氏為亂湯乃興師率諸侯伊尹相湯湯自把鉞以

伐昆吾遂誓師攻鳴條書序伊尹相湯伐桀戰于鳴條之野作湯誓王師敗

績王奔南巢因放焉書傳王出太行涉河犇南巢湯縱而不追故稱放後三年

卒于亭山淮南子作歷山即今淮南和州歷陽山王滅德任威棄義聽讒

諸侯危其位大夫隱其道舉事戾于天發令逆其時遂

至于亡自禹至桀十七君十四世合紀共四百三十有

九年邵子經世書夏起自禹丁巳蓋統攝政之年而紀之也繫夏亡于桀之甲午蓋以乙未歲為湯革命

之年也今自禹丙子即位至桀乙未犇南巢總而計之其乙未歲兩繫于夏商之代

商起湯乙未至紂戊寅凡二十八王十六世六百四十四年其紂之已卯兩繫于商周之代紀數則屬于周

商王成湯

子姓名履一曰天乙契之十三世孫系見前以有武德亦

曰武王詩商頌。武王載施。史記。湯號曰武王。

未乙十有八祀卽夏桀五十三歲。春三月王卽位于亳國號商。

王歸自克夏諸侯咸推王為天子。王再拜而讓者三。乃

卽位于亳帝上世紀湯歸于亳再拜而從諸侯之位。曰天下惟有道者宜處之三讓乃卽天子位。

因所封國為有天下之號以水德王。

金氏履祥曰。古史不載湯改元。劉道原載之。非其實也。湯之元已立于桀之三十六歲。又可改乎。

都亳史記正義。湯卽位。都南亳。後徙西亳。

改建丑月為歲首。歲曰祀。

十二月建丑。得地之正是為地統。以雞鳴為朔。

色尚白。

牲用白牲。戎事乘翰。白馬。朝燕服皞。音許。取覆飾之義。冠而縞。

衣。

大誥諸侯。書序。湯既黜夏命。作湯誥。

諸侯來朝。乃作誥。與天下更始。

以伊尹仲虺。卽萊朱。奚仲之後。為相。

伊尹為左相。仲虺為右相。虺因王放桀有慚德。乃作誥

以釋之。書序。湯歸白夏。至于大垆。仲虺作誥。傳大垆地名。

立禹後及古聖賢之裔。封孤竹。今直隸永平府。古孤竹國。神農之後。史記素隱。孤竹

君商湯所封。應劭曰。姓墨胎氏。等國有差。

告羣后曰。古禹臯陶。久勞于外。四瀆已修。萬民乃有居。

后稷降播農殖百穀。三公咸有功于民。故後有立。禹之後。後封

杞。後為東樓公。周再封。稷之後。公劉居豳。臯陶之後。咎單為司空。伯益之後。費昌亦為諸侯。奚仲之後。仲虺為



制爵祿。

制爵。公侯皆百里。伯皆七十里。子皆五十里。男皆五十里。曰附庸。凡五等諸

侯之上大夫卿。下大夫。上士。中士。下士。亦五等。天子之

三公視諸侯。卿視伯。大夫視子男。元士視附庸。制祿。凡

國之君。皆十卿祿。卿四大夫祿。次國三大。小國倍。下大夫倍上

士。上士倍中士。中士倍下士。下士視上農夫。庶人在官

者。府史胥徒之屬。其祿視農夫。上食九人。次食八人。中食七人。次食六人。下食

人。之次為差。

金氏履祥曰。王制與周禮不同。舊說以為殷禮。故依胡氏採錄。以見成湯紀綱天下之大規。

立助法。

為井田之制。以六百三十畝之地。畫為九區。區七十畝。中為公田。其外八家。各授一區。但借其力以助耕公田。而不復稅其私田。故曰助。

建學。

國學曰學。大學為右學。在西郊。小學為左學。在國中。鄉

學曰序。

養老。

養國老于右學。養庶老于左學。俱以食禮。有飯有餼。設

飯為主。

制官刑。

傲于有位。曰。敢有恒舞于宮。酣歌于室。時謂巫風。常歌常舞

若巫覡然。敢有殉于貨色。恒于遊畋。時謂淫風。過而無度敢有侮聖言。逆忠直。遠耆德。比頑童。時謂亂風。悖禮曰亂惟茲三風。十愆。卿士有一于身。家必喪。邦君有一于身。國必亡。臣下不匡。其刑墨。具訓于蒙士。始作圉。

取禽獸以奉宗廟

作器用之銘。

諸器用皆作銘。以自警戒。其盤銘曰。苟日新。日日新。又日新。

作大濩樂。

命伊尹作樂。曰大濩。呂氏春秋。湯放桀。黔首安寧。乃命伊尹。作為大濩。

丙申十有九祀。大旱。

祀棄以配稷。

舊以農炎帝子。性。配稷。至是大旱。易以棄配。

戊戌二十有一祀。鑄金幣。

伊尹言于王。發莊山。鹽鐵論作嚴山。考漢書。蜀嚴道有銅山。後漢避諱。改莊為嚴。此莊山。

蓋即嚴道之銅山也。之金。鑄幣以賑民。

辛丑二十有四祀。禱于桑林。地名。呂氏春秋。周封湯後于宋。以奉桑林。據此。桑林當在宋地。

大旱七年。王禱于桑林之野。祝曰。毋以予一人之不敏。傷民之命。以六事自責。曰。政不節與。民失職與。宮室崇與。女謁盛與。苞苴行與。讒夫昌與。言未已。大雨方數千

應天以實不以文。六事自責。湯之至誠對天如此。其致雨不致雨。非湯所敢逆。料舊說身為犧牲。剪髮斷爪。非聖人所為。殊不足據。

程子之說原本書傳及孔穎達疏最為明確即以經世書甲子推之太甲立子戊申直接湯之丁未中間亦並無六年之缺則外丙二年仲壬四年是生年如俗所云年幾歲而已非在位年更無疑義

廟號烈祖孫太甲立。

丁三十祀王崩葬汾陰。成湯陵在今山西蒲州府榮河縣文獻通考宋太祖初給守陵戶。

里。胡宏大紀湯禱桑林而雨天下謹洽遂作桑林之樂名曰大濩前編載之考左傳宋公享晉侯于楚邱請以桑林注桑林殷天子樂孔穎達疏曰湯樂大濩其曰桑林先儒無說惟皇甫謐云殷樂一名桑林然亦無文可憑今依孔疏大紀之說不取。

王天錫智勇用集大命與人不求備檢身若不及旁求

俊彥子惠困窮克寬克仁兆民允懷立十八祀而革夏

正踐天子位十三祀而崩年百歲子太丁早卒外丙二

年。言止二歲。仲壬四年。止四歲。伊尹奉太丁之子太甲即位。考孟

子外丙二年仲壬四年史記以為即位二年四年而崩趙岐孟子注並同程子則謂古人謂歲為年湯崩時外丙二歲仲壬四歲惟大甲差長故立之大紀亦言成湯必不舍孫而立子且經世書亦無外丙仲壬各世辨之

尤詳今以程子為據不從史記。

王太甲

戊元祀伊尹奉王見于祖。書序太甲元年伊尹作伊訓肆命祖后凡三篇其二亡。

伊尹祠于先王奉嗣王祇見厥祖百官總已以聽冢宰

伊尹乃明言烈祖之成德以訓于王。

王居于桐宮。書傳桐湯葬地元和志聞喜縣桐鄉故城在縣西南舊以為伊尹放太甲之所今考其地

與榮河湯陵近。

王習與性成欲敗度縱敗禮罔念聞伊尹之戒伊尹乃

營桐宮而居之曰密邇先王其訓無俾世迷

巳二祀王在桐宮。

庚三祀伊尹奉王歸于亳。

商王太甲

王居桐三年處仁遷義伊尹以冕服奉王歸亳復政于

王書疏太甲自初立至放而歸伊尹每進言以戒史叙其事作太甲三篇

以伊尹為保衡書疏湯時伊尹為阿衡至太甲改為保衡言為天下所取安所取平也

伊尹告歸

伊尹既復政將告歸又陳戒于王一作威有一德王益修厥德

諸侯咸服百姓以寧

庚辰三十有三祀王崩廟號太宗子沃丁立

商代祖有功而宗有德王克終湯業故號曰太宗

王沃丁

辛巳元祀

戊子八祀保衡伊尹薨

王親弔臨祀以太牢以三公禮葬之于亳皇覽伊尹冢在巳氏平利

鄉巳氏故城在今山東曹州府曹縣縣東南有伊尹墓

以咎單為相

咎單訓伊尹之事作書以告于王篇各沃丁今亡

巳酉二十有九祀王崩弟太庚立

王太庚

商世兄終弟及者自太庚始

庚戌元祀

甲戌二十有五祀王崩子小甲立

王小甲

乙亥元祀

辛卯 十有七祀。王崩。弟雍已立。

王雍已

壬辰 元祀。

王居位不能綱紀庶政。號令不行。諸侯或不朝。商道始衰。

癸卯 十有二祀。王崩。弟太戊立。

王太戊

小甲之弟。太庚之子。

甲辰 元祀。以伊陟。臣扈為相。巫咸佐之。巫咸。臣姓名。天文家謂殷宣夜之法。巫咸

為之。

陟。尹之子也。與扈及咸輔王。大修成湯之政。商道復興。

桑穀共生于朝。書序伊陟贊于巫咸。作咸。又四篇今亡。

時有祥桑穀共生于朝。書傳祥。妖怪。二木共生。不恭之罰。一暮大拱。王

懼。伊陟曰。臣聞妖不勝德。王其修德。王從之。三日而祥

桑枯死。

丙午 三祀。諸侯畢朝。

王修先王之政。明養老之禮。早朝晏退。問疾弔喪。三年。遠方慕義。重譯而至者七十六國。

戊午 七十有五祀。王崩。葬河北。中宗陵在今河南彰德府內黃縣。宋開寶間樹碑。廟

號中宗。子仲丁立。

王嚴恭寅畏。天命自度。治民祇懼。不敢荒寧。成湯之後。至王而中興焉。

王仲丁

巳元祀。

甲子六祀遷都于囂。史記作噉。即敖山。在今開封府榮澤縣西北。水經注。山上有城。即仲丁所遷。

未辛十有三祀王崩國內亂弟外壬立。

王外壬。

申元祀。

丙戌十有五祀王崩弟河亶甲立。

王河亶甲。

丁亥元祀徙都于相。今彰德府內黃縣南有殷城。括地志。河亶甲所都。

囂有河決之患故遷相商復衰。

乙未九祀王崩子祖乙立。

王祖乙

丙申元祀徙都耿。今山西蒲州府河津縣有耿城。水經注。商祖乙徙此。

時相又有河決之患爰自相而遷于耿。

甲辰九祀耿圯徙邢。今直隸順德府邢臺縣。通典。商祖乙遷邢。即此。

耿復爲水所圯乃徙邢而都焉。書序。仲丁遷囂。作仲丁。祖乙圯于耿。作祖乙。今其篇皆亡。

以巫賢爲相。

賢。咸之子也。爲相任職諸侯賓服天下大和。

甲寅十有九祀王崩子祖辛立。

王祖辛

乙卯元祀。

庚午十有六祀。王崩。弟沃甲立。

王沃甲

辛未元祀。

乙未二十有五祀。王崩。國亂。祖辛之子祖丁立。

王祖丁

丙申元祀。

丁卯三十有二祀。王崩。沃甲之子南庚立。

王南庚

戊辰元祀。

壬辰二十有五祀。王崩。祖丁之子陽甲立。

王陽甲

癸巳元祀。諸侯不朝。

自仲丁以來廢適而更立諸弟子。諸弟子或爭相代立。比九世亂。于是諸侯莫朝。

己亥七祀。王崩。弟盤庚立。

王盤庚

庚子元祀。遷都于般。即西亳。今偃師。改國號曰殷。

時都河北已久。宮室奢侈。民居墊隘。水泉渴鹵。不可以行政化。王欲徙成湯之故都。臣民安土重遷。咸相咨怨。王乃作書告諭。書序盤庚將治亳殷。民咨胥怨。作盤庚三篇。渡河而南。復居于亳。改國號曰殷。故曰遵湯之德。行湯之政。商道復興。諸侯來朝。

書序盤庚五遷。蓋自湯徙西亳。由是而遷。而相而耿而邢。凡經五徙。正經所謂不常厥邑。于今五邦也。後儒以書序無遷邢之文。遂以耿即為邢。又以盤庚自耿遷亳。合數為五。不知祖乙。且下耿書序已明載之。而遷邢之文。又見經世書。何說經家之好為聚訟耶。

丁卯二十有八祀。王崩。弟小辛立。

王小辛

戊辰元祀

殷道復衰。

戊子二十有一祀。王崩。弟小乙立。

王小乙

己丑元祀。

甲寅二十有六祀。幽宣父遷于岐。岐山。在今陝西鳳翔府岐山縣東北。顏師古曰。其山

兩岐。改國曰周。今岐山縣有周原。帝

故名。改國曰周。王世紀。周之名以此。

宣父號古公。繼公劉居邠。世本。公劉慶節。僕差弗。僞

人侵之。乃遷岐山之下。民從之者如市。改號其國曰周。

後漢書郡國志。美陽有周城。美陽故城。在今鳳翔府岐山縣。

丙辰二十有八祀。王崩。子武丁立。

王武丁

丁巳元祀。王室憂。以甘盤為相。

王舊學于甘盤。至是踐位。以甘盤為相。亮陰。音同。三年

不言。百官總已。以聽于冢宰。

己未三祀。得傳說為相。

王既免喪。猶不言。羣臣咸諫。王于是思。廷良輔。夜夢得

聖人。曰說。以夢所見。視羣臣百吏。皆非。乃使百工圖其

像。求之野。時說為胥靡。築于傅巖。史記作險。今山西解州平陸縣有聖人窟。

高宗中興。命主然圖像。傅巖之事。致疑。傷誕。或當居民間。時物色。久屬。特以起胥靡。而作相。恐人望未厭。托之夢。齊圖形。所為神道。



設教而已君非高宗臣非  
得說如之何其可

說版築處得之見王王曰是也與之語果聖人爰立為相以  
傅巖姓之號曰傅說作說命三篇

命說總百官咨學于說  
王曰來汝說爾惟訓于朕志說曰王人求多聞時惟建  
事學于古訓乃有獲惟學遜志務時敏厥修乃求允懷  
于茲道積于厥躬

戊子三十有二祀彤音融祭之明日又祭曰彤有雉雛于鼎

彤祭禰廟有飛雉升鼎耳而雛王懼祖已奚仲之後曰王勿  
憂先修政事乃作書以訓于王曰高宗王修政行德天  
下咸驩

伐鬼方朱子詩經集傳商頌殷武祀高宗之樂易曰高宗

典通考皆以為西戎王應麟曰大戴禮帝繫篇陸終娶鬼  
方氏生子六人六曰季連季妣楚其後也可以證朱子集  
傳之說今依之

鬼方恃固而擾諸夏王伐之三年乃克自是內外無患  
殷道復興

乙卯五十有九祀王崩葬西華殷高宗陵在今陳州府西華  
縣宋太祖初給守陵戶廟

號高宗子祖庚立  
王為王子時父小乙欲其知民疾苦使居民間與小民  
出入同事故于稼穡艱難備嘗知之及即位不敢荒寧  
嘉靖殷邦至于小大無時或怨遂成中興之業

王祖庚

丙辰元祀

即此卷之五

殷王祖庚至祖甲

三

王七祀王崩弟祖甲立。

王祖甲

初高宗欲廢祖庚而立王。王以為不義而逃去。及祖庚崩。國人卒立之。

癸亥元祀。

二十有八祀。周古公亶父薨。子季歷嗣。

古公三子。長曰太伯。次曰仲雍。一名虞仲。少曰季歷。季歷娶

太任。摯國之仲女。任姓。路史。摯祖已封。今蔡州之平輿。有摯亭。平輿故城。在今河南汝寧府汝陽縣。

端一誠莊。惟德之行。生子昌。有聖瑞。史記正義引赤雀。為聖瑞。今不取。古公欲傳國以及之。曰。我世當有興者。其在昌

乎。太伯仲雍。知指乃以採藥為名。逃之荆蠻。即勾吳地。界楚越故

曰荆蠻。斷髮文身。以讓季歷。至是古公薨。季歷嗣。是為

乙未三十有三祀。王崩。子廩辛立。

王在田間久。故即位之後。知小人之依。能保惠于庶民。

史記祖甲注。亂殷復衰。與尚書無異。異孔傳以祖甲為太甲。與蔡傳異。

王廩辛

丙元祀。

辛丑六祀。王崩。弟庚丁立。

王庚丁

壬元祀。

二十有一祀。王崩。子武乙立。

王武乙

殷王廩辛至帝乙

殷王廩辛至帝乙

三

癸亥元祀

二祀遷都河北

即朝歌帝王世紀武乙徙朝歌故城在今衛輝府淇縣

丙寅四祀王畋于河渭震死子太丁立

王無道為偶人謂之天神與之博令人為行代之行也。天神不勝乃僂辱之為革囊盛血仰而射之命曰射天獫于河渭之間暴雷震死

王太丁

丁卯元祀

巳巳三祀王崩子帝乙立

王帝乙

庚辰元祀命周公季歷為牧師加九命作伯

季歷篤行于義諸侯順之嘗伐西落鬼戎諸戎皆西羌之種

是又伐余無始呼騶徒之戎皆克之王嘉其功錫之圭

瓚秬鬯加九命為侯伯

丙子七祀周公季歷薨世子昌嗣為西伯是為周文王

西伯遵后稷公劉之業則古公公季之法篤仁敬老慈

幼禮下賢者日中不暇食以待士孤竹莊見前君之二子

伯夷叔齊讓國不受聞西伯善養老往歸之泰顛閔入

散宜生書傳泰閔散皆氏顛天宜生皆各鬻子顛頊之裔各熊辛甲殷臣亦皆

歸焉嘗行于野見枯骨命吏瘞之吏曰此無主矣西伯

曰有天下者天下之主有一國者一國之主吾固其主

矣以棺衾葬之天下聞之曰西伯澤及枯骨况于人乎

微子啟以母賤不得立使  
立微殷何致亡後世立嫡  
之論觀此猶不悟者非愚  
而何

王二十有三祀西伯昌生子發

西伯娶有莘氏聖女曰太妣今陝西同州府郃陽縣有莘里古莘國寰宇記武子母太妣即此國女孫伊尹耕處西伯治外太妣治內德別為一莘非洽陽渭涇之莘

政流布風化大興太妣有十子長伯邑考蚤卒次發性慈和有聖德西伯以為世子次旦仁聖多材藝西伯任以政管叔鮮蔡叔度曹叔振鐸叔武霍叔處康叔封時季載皆太妣子

丙子三十有七祀王崩子辛立是為

王長子曰微子啟母賤不得立少子辛辛母正后立為嗣

王受辛

丁未元祀

王資辯捷疾聞見甚敏材力過人性汰侈好酒色始為象箸箕子王諸父封箕子爵也今山歎曰今為象箸必為玉杯玉杯象箸必將食熊蹯豹胎它又將稱是王求足欲天下殆哉

甲寅八祀伐有蘇路史已姓國寰宇記古蘇城在濟源西北獲妣已

王伐有蘇氏得其美女妣已嬖之惟其言是聽使師涓

一作師延作朝歌北鄙之音北里之舞靡靡之樂造鹿臺廣

里高千尺遺址在今直隸廣平府曲周縣東北

盈鉅橋倉名在今直隸廣平府之粟大聚樂戲于沙丘臺名在今

直隸順德府平鄉縣東北

以酒為池縣肉為林使男女裸而相逐其間宮中九市為長夜之飲百姓怨望諸侯有叛者妣已

以爲法輕。威不立。王乃爲銅柱。以膏塗之。加于燕炭之上。使有罪者緣焉。輒墮炭中。王與妲己相爲笑樂。名曰炮烙之刑。

丁十有一祀。囚西伯于羑音酉。今河南彰德府湯陰縣有羑城。魏書地形志。卽

羑里。字音相近。古通用。

王以西伯昌九侯。一作鬼侯。史記注。鄴縣有九侯城。在今彰德府涉縣。鄂侯。

一作鄂侯。後漢書郡國志。河內懷有鄂城。在今河南懷慶府河內縣。爲三公。九侯有女。納于

王。女不喜淫。王怒殺之。而醢九侯。鄂侯爭之。并脯鄂侯。

王又剖孕婦。視其胎。斲朝涉之脛。視其髓。西伯聞之。竊

嘆。崇侯虎今西安府鄠縣。夏爲扈。殷爲崇。知之。以告王。且曰。西伯將叛。

王怒。囚西伯于羑里。西伯曰。父有不慈。子不可以不孝。

君有不明。臣不可以不忠。豈有君而可叛乎。乃演易作

六十四卦彖辭。

己十有三祀。釋西伯。賜弓矢。鈇鉞。使專征伐。

西伯之臣。日夜憂懼。謀救其君。竭國中珍寶良馬。因嬖

臣費仲。費昌之後。以獻諸侯。亦爲西伯請。王乃赦西伯。西伯

出而獻洛西之地。沮洛之西。今陝西延安府宜川諸縣界。非伊洛也。請除炮烙

之刑。許之。賜弓矢。鈇鉞。使專征伐。

庚十有四祀。虞今山西解州平陸縣有虞城。申。殷虞國。舜之後。是爲西虞。芮今解州芮城縣有芮

芮國。故城。殷質成于周。

虞芮之君。相與爭田。久而不平。乃相與朝周。入其境。耕者讓畔。行者讓路。入其邑。男女異路。斑白不提挈。入其

三分天下有其二。以服事殷。此文王之志也。獻地請除刑。與陳氏之以家量。實而以公量。收之何異。市惠行權。似非聖人所爲。予不能無疑。

朝士讓為大夫。大夫讓為卿。二國之君感而相謂曰。我等小人。不可以履君子之庭。乃相讓。以其所爭為閒田。

今平陸縣有閒原。俗呼讓畔城。天下聞而歸之者四十餘國。

辛酉。十有五祀。西伯得呂尚于渭陽。渭水出甘肅渭源縣。鳥鼠同穴山。至華陰縣入河。水北曰陽。

尚。四岳之裔也。西伯將出獵。卜之曰。非龍非麀。非熊非

羆。所獲霸王之輔。于是西伯獵。果遇尚于渭水之陽。時

年已七十餘。與語大悅。曰。自吾先君太公曰。當有聖人

適周。子真是耶。吾太公望子久矣。故號之曰太公望。載

與俱歸。立為師。武王尊為師尚父。

壬戌。十有六祀。西伯伐密須。今甘肅平涼府靈臺縣。有陰密故城。殷密須國。

初。西伯問太公。孰可伐。太公曰。密須。管叔曰。其君彊明。

伐之不可。太公曰。先王伐逆不伐順。伐險不伐易。遂自

阮。國名。在平涼府涇州。祖共。阮之邑。今涇州共池是。而及密須。密須人自縛

其君而來歸。

乙丑。十有九祀。西伯伐崇。注見前。作豐邑。豐即崇國地。雍錄文。

之西有豐宮。徙都之。

西伯伐崇。令曰。無殺人。無壞屋。無塞井。無伐木。無掠六

畜。違者不赦。三旬。崇弗降。乃攻滅之。作邑于豐。遂徙都

焉。

丙寅。二十祀。西伯昌薨。世子發嗣。是為周武王。

西伯寢疾。謂世子曰。見善勿怠。時至勿疑。去非勿處。此

三者道之所以止也。世子再拜受教。西伯薨，葬于畢。周文

王陵在今陝西西安府咸陽縣。周有天下，乃追諡曰文王。

丑丁三十有一祀。西伯發戡黎。書大傳。史記俱作者。注見帝堯伊耆下。

王以費仲為政。費仲善諛好利。又用蜚廉。伯益裔。善走。惡來

蜚廉子。有力。蜚廉惡來善讒諛。諸侯益疎。黎侯近于王畿。不

恭王命。王方日夜極意聲色。不知治也。西伯伐而勝之。

祖伊。祖已後。知周德日盛。既已戡黎，勢必及殷。恐懼而奔

告于王。作西伯後。王曰：我生不有命在天。祖伊反曰：王不

可諫矣。考戡黎之事。自史遷以為文王。于是傳注皆從其說。金氏履祥曰：文王三分天下有其二，以服

事殷。豈遽稱兵天子之畿。且祖伊之言如是其急。吳氏械以為戡黎之役。當在伐紂之時。其說誠然。因并引大紀及呂祖謙諸儒之說。而以戡黎係武王。今從之。

戊寅三十有二祀。殺少師比干。王諸父。囚太師箕子。注見微子

即微子庶兄。封微子爵也。今山西潞安府潞城縣有微子城。去之。

少師比干彊諫。王大怒曰：比干自以為聖人。吾聞聖人

心有七竅。信有諸乎。乃殺比干。剖視其心。箕子懼。被髮

佯狂而為奴。王又囚之。微子既數諫。度王終不能聽。遂

去之。以存宗祀。書序。殷既錯天命。微子作誥。父師少師。書傳。告二師而去紂。

卯己三十有三祀。西伯發大會諸侯于孟津。注見前。誓師渡河

諸侯不期而會者八百國。西伯狗師而誓。作泰誓三篇。遂逾

孟津。史記。武王東觀兵。至于盟津。渡河中流。白魚躍入

屋流為鳥。其色赤。其聲魄時。諸侯會者。皆曰：紂可伐矣。


王曰：天命未可。乃引師還。居二年。乃復伐紂。考書序。惟十有一年。武王伐殷。一月戊午。師渡孟津。作泰誓三篇。蔡沈集傳曰：十一年。十三年之誤也。序本依倣經文。傳

誤三而爲一。漢孔氏遂以爲十一年觀兵。十三年伐紂。司馬遷因之。訛繆相承。後儒遂以爲實。然不知武王蓋未有觀兵之事也。蔡傳之說蓋本伊川程子。并朱子書。今從之。

王率衆拒周師于牧野。地理今釋。牧一作毋。在今衛輝府淇縣南。兵潰。王自焚。商亡。

周師既渡孟津。陳于商郊。王發兵七十萬人。拒之牧野。西伯臨戰誓衆。作牧。左仗黃鉞。右秉白旄。以麾王師。雖衆皆無戰心。倒戈以開周師。周師馳之。皆奔潰。王反走。登鹿臺。衣其寶玉衣。自燔而死。王言足以拒諫。知足以飾非。矜人臣以能。以爲皆出己下。播棄黎老。崇信姦回。慢神虐民。婦言是聽。身死國亡。天下之惡歸焉。商自成湯。受命至紂。傳二十八王。十六世。合計共六百四十有


四年。



文苑丁卯

印比宋史重監海篇也 卷之二 殷王受辛 三





徳政  
名目

